

醫方類聚卷之一百七十四

癰疽門 五

三因方

癰疽證治

遠志酒治一切癰疽癰背癰毒惡候國醫火有

死血陰毒在中則不痛傅之即痛有憂怒等

氣積而內攻則痛不可忍傅之即不痛或蘊

熱在內熱逼人手不可近傅之即清涼或氣

虛血冷潰而不斂傅之即斂此本韓大夫宅



用以救人極驗若七情內鬱不問虛實寒熱治之必愈

遠志不以多少湯洗去泥搗去心○朱氏集驗方澹寮方米泔浸洗去土去心

右壹味為末酒壹盞調末三錢醫方大成集方大成

經驗方補珍方衛生易簡方二錢遲頃澄清飲之以滓傳

病處瑣碎錄外科精要永類錄方同

大黃湯孫真人云緩急單煮大黃壹味為湯

服即快利此要法王氏集驗方永類錄方同○外科精

要孫真人單煮大黃湯宜熱拔毒大便秘

者方可用此絛紋大黃酒洗去皮右壹味

判如麻豆大水煮服即快利此要法也朱氏

集驗方同

獨聖湯治服金石及食炙博飲酒房勞為癰

疽及諸惡瘡疼痛煙霞聖効方治發背腦疽一切腫毒服之可以內解

甘草半斤生剉○聖效方炒細剉

右壹味以水壹斗浸一宿煎至五升以下

去滓入銀石器煎熬為膏分二服溫酒下

臨卧壹服次日五更承類錄方初更壹服當取下

惡物為效

通聖雙行湯治傷風寒暑濕或泣或散使氣血滯凝肉腐為膿壅結成癰疽隨處發作

大黃蒸壹兩木鼈去殼切防風枳殼桔梗

甘草各壹分

右為剉散每服四大錢水壹盞煎七分去滓入朴消兩錢重煎鎔熱服得踈轉壹兩次即服萬金湯若陰證只服萬金不可用通聖雙行也永類鈔方同

萬金湯

直指方名萬金一醉膏聖濟治癰疽總錄醫方大成名一醉膏

發背發眉發髭鬚

簡易方作鬚發腦總錄衛生易簡方及一切

惡瘡婦人乳癰等定痛去毒

甘草

半兩○直指方總錄生壹分○是齋醫方

水中芡蓂壹个去皮研

右為剉散以無灰酒三升煮至壹升去滓

隨量旋飲盡

是齋方總錄大成易簡方放溫頓服之如壹服不盡分三

服連進屢有神效

或出血或出黃水是効王氏集驗方永

類鈔方同醫方集成南北○簡易方治便

毒尤佳一方用瓜萋黃耆各半甘草二錢

分兩服每服用水一盞半酒半盞煎至壹

盞去滓溫服如已作膿加皂角刺少許未

作膿止依正方治證同前名托裏黃耆湯

鄭殿撰方治癰疽發背七日前腫痛未潰

者宜服則化膿血惡水自小腑中出去其

毒自消矣川瓜萋壹枚甘草三寸乳香皂子大研皂

角刺半兩去骨取皮細末好酒三升銀石器內熬

至三盞微溫兩次服直指方右用紅酒三

大椀煎取其半分兩服溫服之在上食後

服患在下食前服重者內劑以瘥為度又

方加當歸白花并些乳香更要宜毒加紫

皂角刺壹分外科精要治癰疽惡核腫痛

發腦背等澹寮方婦人發已潰木潰便宜

服此排膿托裏枯樓壹筒去皮取子大甘草節二分

沒藥細旋入右以除沒藥用無灰酒二升

銀石器內煮至一椀許去滓却入沒藥每

服半椀許侵無灰溫酒任性服無時朱

癩毒

四

集驗  
方同

忍冬酒治癰疽疔毒甚效

忍冬草取嫩苗壹握甘草八錢

右同研入酒壹升半砂瓶塞口煮去滓温服仍以滓傳腫毒上

又木蓮葉四十九片楷去毛研細酒解温服

功與忍冬草不相上下又龍鱗薜荔壹握

細研以酒解汁温服亦能瀉下惡物去其

根本外科精要同

轉毒散治發背癰疽不問淺深入小利去根

本外科精要此下有外科精要四字不動元氣神效

車螯紫背光厚者壹名昌娥甘草生壹分輕粉半錢

右以搥泥固濟車螯火煨精要令通赤候冷淨取末

壹兩入甘草末同輕粉研勻濃煎栝樓酒

調下四錢匕五更初服轉下惡物為度未

知再作栝樓每用壹介酒壹椀煎壹盞為

壹劑精要此下云甚者不過三服要須熟視其勢若大段驟則急服之效在也

香連翹湯若急切急服神仙截法○聖濟

物錄治發背癰疽一切惡毒瘡腫去毒散  
 方車螯紫屑光厚者膏箇以右壹味為細  
 末每服三錢匕入膩粉壹錢匕甘草末二  
 錢匕和勻別用栝樓壹枚細剉以酒二盞  
 慢火煎及壹盞去滓於五更初溫前酒調  
 下取下黏滑惡物即是病根本也

靈寶膏治發背癰疽宜熱拔毒排膿止痛

大苾蕒三十個去皮穰取乳香二兩胡桃十  
介取肉去皮白蜜壹斤  
 同苾蕒切細

右以銀石器內慢火熬成膏每服兩大匙  
 溫酒調下不以時候服

托裏散治癰疽欲發未潰及已潰服之內托  
 不使透膜

苾蕒子去穰鬼腰帶皮 皂角刺 射干

即仙人掌根天羅苾取子各茴香 木鼈  
細花者是五介各壹漢椒兩

右焙乾為末麩薄糊調作餅炙乾為末每  
 服二三錢酒調下不飲酒以木香湯下

白玉膏

聖濟總錄名紫雪膏 收縮癰

蔓衍切忌用

冷藥外貼逼毒氣入裏殺人

杏仁

二十壹粒去皮尖別研

川椒

四十九粒去子出汗為末

清油

壹酒蠟

兩半

右文武火熬用柳青枝打紫黑色絲濾過

再熬滴水成珠收淨器內看瘡大小作新

月樣紙花團負貼候暈收更促小瘡頭聚

用後藥傅○總錄右四味先將清麻油并

酒蠟於銚子內煎令勻沸次下蜀椒杏仁

用柳篦攪令黃赤色成膏滴在水碗中不散盛瓷器中每用以故帛上塗貼日再易

檳連散治癰疽瘡腫未潰已潰皆可傅

檳榔

黃連

各半兩○永類鈔方云一方用胡黃連

川山甲

大者十片燒存性

右為末先點好茶以翎毛刷過瘡仍以茶

清調藥傅瘡上如熱甚則以鷄子清調傅

簡易方同 膿已潰則用長肌藥未快則用替針

丸

替針丸治癰疽雖潰而膿不出用之即快

雄雀糞二十七介硃砂一字七陳倉米壹字

直者是末為沒藥研壹字

右研勻以米飲丸如粟米每用一粒貼在

瘡頭或瘡眼中即潰膿出

生肌散傅癰疽瘡毒即生肌

黃狗頭骨燒存性膩粉壹錢桑白皮各一兩

右為末生麻油調傅自通聖萬金神異白

玉橫連替針生肌凡七方是一家行用均

濟三因皆良藥也

善應膏治癰疽潰後良肌傅瘦

白芷各壹黃芪各壹甘草壹錢黃蠟二兩黃丹二兩

半

右前三味為籠末春秋用麻油四兩半夏

四兩冬五兩熬藥紫赤色絲濾去滓再入

黃蠟黃丹以柳枝不任手攪滴水成珠即

止用如常法

外食散治癰腫惡肉不盡膿水淋漓傅此能



消肌長肉

白礬

銀窩內用瓦蓋煅令性盡壹兩

好染坯

血竭

各一兩

右研細用桑漿旋搜為膏量瘡大小貼之  
忌鯽魚酒麪毒物等

### 癰疽灸法

夫癰則皮薄腫高疽則皮厚腫堅初發並宜  
灼艾唯癰成則宜針疽膿成則宜烙若能  
審其名證早早施治仍用藥以攻利其根  
補托其裏不必告醫自料亦差但世人忽

之亦醫方所以冠癰疽於雜病之先者知  
為大病也世醫失治療之序顛倒錯亂多  
致枉夭良可歎息故備集得效灸法以貽  
學者庶不致妄投也

治初生癰疽發背神效灸法累試有驗江寧  
府紫極觀因掘得石碑載之

凡人初覺發背欲結未結赤熱腫痛先以濕  
紙覆其上立視候之其紙先乾處即是結  
癰頭也取大蒜切成片如當三錢厚薄安

其頭上用大艾炷灸之三壯卽換壹蒜片  
痛者灸至不痛不痛灸至痛時方住最要  
早灸早灸爲上壹日三日十灸十活三日  
四日六七活五六日三四活過七日則不  
可覺矣若有十數頭作壹處生者卽用大  
蒜研成膏作薄餅鋪頭上聚艾於蒜餅上  
燒之亦能活也若背上初發赤腫壹片中  
間有壹片黃粟米頭子便用獨頭蒜切去  
兩頭取中間半寸厚薄正安於瘡上却用

艾於蒜上灸十四壯多至四十九壯

附骨疽證治

蟾蜍膏治附骨疽久不差膿汁敗壞或骨從  
瘡孔出

大蝦蟆

一枚 亂髮

一塊 雞子

猪脂油

一斤

○得

右同煎二物略盡濾去滓凝如膏貼之凡

欲貼瘡須先以桑白皮烏豆煎湯淋洗拭  
乾以竜骨煨爲粉糝瘡四邊令易收然後  
方用貼藥

黑鯽膏治附骨疽腫熱未破已破或膿出不愈

黑色鯽魚 壹介去腸肚入  
鹽令滿線縫定

右銅石器中煮壹盞水盡魚乾焦為末脂

油 得效方 調傅已破則乾糝少痛勿怪

赤朮丸治附骨疽膿出淋漓久久不差已破未破皆可服

赤朮 一斤米泔浸三宿取出洗淨曬干再  
以大麻窩汗浸朮上餘二寸許入川

椒二十壹粒葱白七根煮黑油出洗淨焙干秤○得效方泔浸去油用川椒葱白煮

令黑色 破故紙 炒 川練 炒 茯苓 舶上茴

香 炒 杜茴香 白芷 桃仁 去皮尖炒各  
半斤○得效

方各 右為末 得效方老人  
加黑附子 煉蜜丸梧子大

每服五十丸温酒塩湯任下

一方用蜜墮僧為末以猪脊骨髓調傅之 詹

同兼 治痔漏不愈

衛生十全方

治癰疽腫毒

治一切癰疽發背發眉發髭發鬚發腦婦人

乳癰等追毒止潰托裏定痛

沒藥壹分通明 甘草生用兩 芫蕪一箇新者去外皮慢

火焙并子用

右爲末以好酒三升銀石器中同煎取清汁一升分三盞去滓溫服須一日今盡受痛微者只可壹服更量老幼虛實以意加減藥如是癰疽未破卽出血黃水是效或遇倉卒亦可用生芫蕪去皮生剝同日草生剉沒藥研依法煎服

外用貼藥

歷青

右溫水浸令軟再以麻油浸次以手揉熟成膏貼其周回或有頭留之如已破當用後藥

收暈膏藥

杏仁二拾一粒 黃蠟兩半 麻油兩 川椒四拾

右同煎杏仁焦黃色爲度去滓入膩粉壹錢調勻以軟紙貼四處暈外也紙形如木

梳掌

治一切瘡腫內雖已潰而腫脹膿不出用此藥便出

雄雀糞直者是二十七箇硃砂研一陳壞米研一字

沒藥研一錢

右四味同研勻細用粳米粥和丸如粳米形每用壹元紐入瘡中未有口即貼瘡頂上以紙花子覆定

候瘡近八分安然後以臘茶清洗其口拭乾

貼此藥

檳榔生為末半兩川黃連半兩穿山甲燒灰秤二錢

右為末不計時候乾摻切忌生冷油膩毒

物房室

生肌藥治瘡口久不合者

桑白皮焙膩粉半錢狗頭骨二兩燒存性秤

右為末乾摻日二三此忌生油

治一切癰毒腫痛及發背乳癰等疾

生人骨一百二十拾塊牡蠣人面白者四兩剉江南

石膏四兩

右用新沙瓶或藏瓶之類以瓦片作圓蓋中鑽壹小孔如筋頭大入前三味藥在內了用塩泥固濟只留孔不泥候泥乾入炭火中煨紅候孔內青煙出為度即取出候冷取碾再入乳鉢內細研每服貳大錢入真麝香壹字同研熱酒調下此藥大有功效若是癰毒未破疼痛甚者速進二三服其腫即消更用貼藥如后

治發背乳癰癰毒及一切惡腫

芙蓉樹葉

日乾一兩

天南星

去皮一兩陰乾

透明乳香

半兩白斂

叁兩

鹿角

燒灰存性半斤不用自解者

右同為細末量用多少以多年米醋調勻

雞羽刷腫上或攤紙上貼之並留瘡口不貼壹日三易傳此藥了未結毒者即消已成毒者速潰更服前藥功效立應

治發背發腦乳癰及一切癰疽癰毒未成者速散已成者速潰敗膿自出不用手惡肉自

夫不用刀服藥後疼痛頓減累試有效

人參 當歸 黃耆已上各二兩 川芎 芩蘘

實 防風 桔梗 香白芷 肉桂 甘

草已上各一兩

右件十味須用精選藥材焙燥方秤同為細末每服叁錢至肆五錢熱酒調下日夜各數服以多為貴不飲酒人以木香湯解少酒調服仍忌喫毒物治一切癰疽附筋骨者尤治

黃耆 人參 川當歸 川芎 赤芍藥

甘草 地骨皮 五加皮 鬼腰帶 橘

紅已上各壹兩 乳香 沒藥各半兩 括蘘實去皮壹箇

右並咬咀作一料用水五升煎二升不犯鐵臨熟入忍冬葉自然汁半椀酒三升不拘時飲之盡醉為度

治發背及一切癰毒已破膿血出盡惡肉消盡止是瘡口不合者以此藥傅之即合

乳香 沒藥各壹分 黃蘘去黑皮 海螵蛸以生薑數

片水一椀同煮去鹹味  
乾去硬皮已上各半兩  
白欵 統丹

蜜陀僧 各二錢  
木香 真血竭 各一錢  
真麝

水銀粉 各半錢

右先將乳香沒藥血竭麝肉研令細次研  
螺蛸與餘藥末打和再研須是極細方以  
堯合貯之用時先以葱椒及地骨皮參味  
同煎湯洗了軟帛裏乾却以雞羽抄藥末  
摻之須惡肉盡去方用此藥仍忌酒醋等  
物消腫毒

川當歸 川大黃 各二兩  
天花粉 芒消

黃蘗皮 各壹兩

右為細末醋調作醬貼之

又方兼治惡腫以天南星一味為末用生薑

汁調塗之亦效

神巧萬全方

治肺癰方

寸口脉數其人病欬口中及有濁唾涎沫出

此為肺萎之病若口中辟辟燥欬者胃中隱



隱痛脉反滑數此爲之肺癰也欬唾其脉數  
虛者爲肺萎實者爲肺癰寸口脉微而數微  
爲風數爲熱微則汗出數則惡寒風中於衛  
呼氣不入熱過於榮吸而不出風傷皮毛熱  
傷而脉風舍於肺其人則欬口乾喘滿咽燥  
而渴多吐濁沫時時振寒熱之所過血爲凝  
滯搐結癰膿吐如米粥始萌可救膿成則死  
寸口脉滑而數其人飲食起居如故此爲癰  
腫病醫反不知而以傷寒治之膿在胃中者

爲肺癰其脉微緊而數膿爲未成其脉緊甚  
但數膿爲已成也肺膿喘不得臥宜葶藶大  
棗瀉肺湯主之胃脇脹一身面目浮腫鼻塞  
清涕出不聞香臭咳逆上氣喘鳴迫塞方

葶藶 二兩炒  
令紫色

右件搗成丸以水三升煮大棗二十枚取  
二升去滓內麻黃五味子各半兩取壹升  
頓服令盡三日服壹劑可服四劑此先服  
青童湯壹劑乃進之

青竜湯方

麻黃 芍藥 細辛 桂心 甘草 各三兩

五味子 半夏 各半升 生薑 五兩

右以水壺卧先煮麻黃減三升下藥煎取三升分三服渴者去半夏加菰蘆三兩喘者加杏仁半升

補肺傷肺氣不足胃腹滿欬嗽喘逆上氣乾嘔兼膿血胃背痛手足煩熱驚悸耳鳴

白石英 麥門冬 五味子 各三兩 桂心

欬冬花 乾薑 炮 鍾乳 各二兩 桑白皮 壹斤

米 五合 棗 壹百枚

右件以水壺卧煮桑白皮取九升去滓下藥煮取三升分爲三服

是齋醫方

癰疽瘡腫

治腦疽發背腎癰妳癰一切瘡腫等疾詹判

院傳

鹿樸

在處人取其葉搗汁投溪潭中以醉魚江西人謂之魚酪草紹興人謂之

水鹿

右臍中取根搗判為段咀每服三四大錢  
無灰酒壹大盃煎至七分盞去滓空心食  
前帶熱服忌葱醬酒等煎時不得犯銅鐵  
器病深者日進三四服並不川膏藥貼無  
問男子婦人癰老幼小遠年近歲體虛氣  
實一切瘡腫凡在身者種類殊異悉皆治  
之已潰膿自出未潰毒自消不耗真元不  
動臟腑入少甘草石薜荔同煎尤佳有娠

婦人不可服

治癰癤任和卿方牛皮膠以湯泡動攤紙上  
隨大小貼瘡上即安

治一切癰疽發背瘡腫治便毒最驗韓市舶  
寧道方此即淮西趙參議所傳劉鵬察院萬  
金散方見三東平陳彥哲有序多不復錄如  
大便秘澁可服拔毒黃者散  
拔毒黃者散

黃耆

大黃

酒浸

羌活

去蘆

甘草

炙

當歸

去蘆

芍藥

白附子

炮

黃芩

杏仁

去皮

連翹

已上等分

右搗羅爲細末每服先以黑豆半兩或二合水壹大盃煎至七分去黑豆入藥末三錢再煎至壹盞食後壹日兩服候逐下惡物卽止其貼瘡欵瘡藥隨宜用

治穀道前後所生癰謂之懸癰韶州暨人劉

從周方林謙之祭酒云用好粉甘草壹兩

四寸

永類鈔方長三寸許

截斷以溪澗長流水一盃

井河水不可用

澹寮方云醫說云用山澗東流水不用井水河水國

老膏云用河水不用井水

文武火慢慢燻水灸約自早

灸至午後灸水令盡不可急性擘甘草心

覺水潤然後爲透細剉却用無灰酒二小

青盃入上件甘草煎至壹盃溫服之壹二

服便可保無虞此病初發如松子大漸如

蓮子數十日後始覺赤腫如桃李卽破若

破則難治

鈔方若破而大小服此藥雖不便自此出不可治

能急消過二十餘日必消盡矣投兩服亦

無害

鈞方半月內消破常服林判院康朝

嘗患此癰已破服此藥兩服瘡卽合甚妙

外科精要同

○直指方保安灸甘草方癰疽漏

瘡通用神妙粉草

以山泉溪澗長流水一

盡爲度

秤一兩右判麤末用醇酒三椀煎二椀空

心隨意溫服最活血消毒經驗秘方治懸

癰乃肚門及膀胱處生核子如橄欖樣或

梅李狀初不作痛至旬月漸作熱不早治

瘡潰膿血出口數椀有至腸腐而大便從

瘡口出者其苦不可言近亦數月遠至壹

二年亦愈須是作核未痛以前治之不過

壹二服便消右用粉草半斤內用無節者

四兩如筭子樣擘破取泉石間長流水以

甘草入水中浸透以炭火將甘草蘸水焙

炙以壹椀水盡爲度却將所炙甘草另用

泉水三盞無灰小酒五盞用瓦罐煎至三

之壹如膏壹匙服之立愈另用有節甘草

四兩仍用泉水隨罐大小煎湯漉洗患處

三遍其效如神如水冷再溫熱洗

治癰疽發背湯壽資云光州有人患腎癰大  
小便皆祕甚以為苦本州胡判官令以明  
淨牛皮膠炭火上燒成黑灰研極細每服  
五錢以米飲調下服至二兩許方通所下  
皆穢惡物癰腫遂消不復出膿胡云凡瘡  
腫皆可服不拘多少以臟腑通利為度  
治一切腫毒水調膏葉道人傳小粉不以多  
少炒令焦黑研細先以米醋壹大盞入搥

碎皂角二挺煎袞數沸濾去皂角滓密收  
之逐旋調藥或攤紙花上傅之○衛生易  
簡方用小粉炒黑研細以好醋調傅

治男子腎癰婦人乳癰一切赤腫焮毒服之

自散周才

赤土壹皂木鱉子匕筒炮

右同研令極勻分三服熱酒或米飲調下

食後服澹軒方食前不動臟腑不過一劑

即效

治癩背初作取水蛭置腫上令飲血脹自落  
別換脹蛭以新水養之即活吳內翰備急  
方云其姪祖仁壹日忽覺背瘡赤腫如盤  
大急用此治之至晚遂安○外科精要洪  
丞相方用蜚針法僕常治癰癢不問老幼  
少壯初發癰腫骨作便用蜚針亦是開門  
放出毒氣之壹端也此法載洪內翰方中  
甚詳而僕用之每獲奇效因而錄之凡用  
癰疽覺見稍大便以井邊淨泥傅瘡頂上

得效方便以紙一  
片冷水浸塔瘡上看其瘡上有壹點先乾

處即是正頂也以大筆管壹箇安於正頂

上却用大馬

水類鈴方經驗  
良方有黃字

蜚壹條

本草  
名水

蛭安其中頻以冷水灌之馬蜚又名黃蜚當吮

其正穴膿血出毒散是效如毒大蜚小須

三四條方見功復傍黃者力大若吮着正

穴蜚必死矣

得效方鈴方良方  
有用小救活四字

其瘡即愈

僕累試之奇驗若血不止以藕節上泥止

之白茅花亦妙

澹寮  
方同

又方生甘草末酒調二錢匕三錢頻服王  
 中奉蘧服之得效療腫毒癰疽未潰令消  
 已潰令速愈草烏頭為細末新水調雞羽  
 掃腫處有瘡者先以膏藥貼定勿令烏頭  
 抹著瘡有人病瘡腫頗甚以此塗之坐中  
 便見皮皺稍稍而消初塗藥病人覺冷如  
 冰瘡乃不痛

治癰毒及癰疽發背初作時貼散立効唐錡  
 主簿方壽域神方證  
治與上方同

草烏頭去皮秋後芙蓉葉陰

右等分為細末生薑自然汁調如膏傅瘡  
 腫四面留壹小竅出毒氣乾則易之其冷  
 如冰痛立止腫立散毒氣盛者加天南星  
 末等分

消毒散治一切腫毒及治腫而疼痛者除醫  
 魏全方

天南星 欒金 木鱉子去殼 草烏頭 赤  
 小豆 朴硝令研細 旋入



右等分並生爲細末如腫赤色用冷水調  
敷掃腫四畔如不赤色用溫淡醋調傅之  
神仙靈寶膏石瓜萇五箇取子細研乳香五  
塊如棗子大亦細研以白砂蜜壹斤同熬  
成膏每服三二錢溫酒化下大治發背諸  
惡瘡等日進二服無不立效昔嚴州土人  
一通判忘其名母病發背祈禱備至夜夢  
呂真人服青衣告之曰公極孝故來相告  
更遲壹日不可療矣通判公急市藥治服

之卽愈楊和王得此方家中使令凡白瘡  
腫等患服之皆効遂合以施人無不驗者  
漏瘡惡核並皆治之此卽鄭府朱保養所  
說神妙方

治癰疽發背詐腮等疾赤小豆爲細末以新  
汲水調傅瘡及四傍赤腫處乾落卽再傅  
又方治背瘡以不耕之地遇野人糞爲蟲烏  
所殘處卽以杖去糞取其下土篩以傅之  
卽如冰著背也

治發背癰疽留丞相云只喫白煮蘿蔔不以  
多少以腫毒散為度屢以治人極有神効  
也

治癰疽結成腫核痛楚不可忍者夷堅庚志

第八卷時康祖事夢廣德張王神授方直

方名神授香附湯經驗良方凡癰疽皆  
綠氣滯血凝而致氣間香通行自愈右

香附子去皮毛以生姜自然汁浸一宿直

方晒乾經驗為細末米飲調下二錢直指

良方焙乾數服即瘡潰膿出腫亦漸消直指

煎湯調下進數服腫硬自消有膿即  
出於氣證尤便急用只小烏沉湯

水調膏治軟癰及一切腫毒二在

黃皮 白欵 甘草

右等分為細末井水和少蜜調貼之

三色膏治癰癤未成拔毒止痛消腫

蚌粉半兩黃丹壹分草烏一兩生為末

右和勻水調塗乾即再上

治諸瘡癰已結未結赤腫者大天南星壹箇

陳者為細末生麩與南星等分生薑自然

汁調塗腫處熱腫者只用水調不用麵  
 治發背歸命膏野生茄子熟黑者取子不拘  
 多少爛研取汁以絹濾滓入大銀盃內慢  
 火熬成稀膏以細青竹枝子去葉五七莖  
 扎聚不住手攪候成稀麵糊收之用時不  
 問陰陽二證發背或赤不赤有頭無頭或  
 痒或痛皆可用之如無頭無異色或熱不  
 熱壹發從外漸漸傳入如有赤脉有頭先  
 從赤脉傳之漸漸傳出壹日上三四度不

可輕易藥物至賤其効最貴重於萬金  
 治風毒癰癩車螯毀頻蘸米醋灸令赤色碾  
 為細末溫酒調下

水調膏前在

天南星生為末白礬細研

右貳味等分新汲水調塗乾即再上

又方天南星一兩厚黃蘗半兩赤小豆一分皂角

一挺不蛀者炒存性

右為末新汲水調成膏皮紙貼之已結即

破未結卽散

軟癬

治軟癬建茶盞擣羅爲細末油調傅之

驗良  
方同

又方六兄枳殼大者壹枚剝去穰令空肚上

磨令口平以稠麪糊搽四唇露在癬上自

破膿溜出盡更無癩痕

治軟癬屢安再作者文字桑螵蛸燒灰存性

麻油調傅經驗良  
方同

又方用雀抱卵殼燒存性灰爲末入輕粉少

許麻油調傅此物難得只以雞子抱退殼

如上法用亦可

瑣碎錄 癩癬

治癩背方

治癩背瘡神效大刺芥取根刺芥有兩種小

刺芥無針乃北人作薑喫者本草謂小薊

其力稍慢大刺全相類但葉上每出尖處

有針似紅花野苺之狀四五月間結花

其花亦如紅花本草謂之大薊不拘多少  
洗淨切細研如膏塗瘡上其冷如冰初發  
者能消散已成腫者調塗無不效者

發背已發未結成已結成未潰用牛皮膠二  
兩酒二升同煮候牛皮膠溶化放溫令病  
者徐徐飲盡如未結成即消已結成則易  
潰已潰則易差如未効再用必效

發背初結成未破者用粉霜生白龍腦各壹  
兩研細用新水調塗瘡上立効

腫毒發背便癰腎癰應癰瘰用橫文甘草壹  
兩炙乾碾為細末分為三服熱酒調壹服  
如人行壹里再服三服并喫

癰疽一切毒瘡臘月乾桑葉為末以新汲水  
調塗之如有膿乾糝如在脚膝傅之了用  
帛裹之

治軟癰方軟癰破而又結者以牛齒燒灰入  
輕粉油調塗即差  
又方用茄子切作片看瘡大小眼子週迴調

醋硬麵糊塗之

治一切毒腫瘡癩法若患三日內釘者便散  
若已成卽易差本條濃磨好墨依此法於土  
墻上高處書之以竹釘就中間釘之先令  
病人嗽壹聲便吸氣吹於竹釘上七釘止  
仍不得移動須至誠則神驗經驗秘方又  
云草烏頭為  
末水調塗若已有頭及破者不  
可用以藥毒恐入肉內則害人

簡易方

癰疽瘡癩

九珍散治一切癰疽瘡癩腫毒因氣壅血熱  
而生者黃醫博秘方

當歸 川芎 白芷 赤芍藥 生乾地

黃 瓜 萋 甘草 大黃 北黃芩 各等  
分表

兄黃君  
平傳錄

右咬咀每四錢水兩盞酒壹盞煎至兩盞  
補珍方水二  
盞煎至一盞去滓微熱服 永類鈔  
方同未成膿

卽內消已成膿則速潰累用累驗亦治婦

人乳癰 醫方大成集成  
南見經驗方同

類聚百首

三

治未病方內托散治發腦發鬢發髭乳癰應  
係難名癰疽腫毒惡瘡一切癰疽發背內潰  
及諸惡毒衝心嘔逆作吐

菜豆粉

一兩

乳香

一分

方用

一兩

乳鉢

研

方簡寄

右同研極細每服二錢至三錢應係如上

惡癰惡瘡並用濃煎甘草湯候溫調

良方簡寄

方有食

臨臥服

一切癰疽發背內潰及諸

惡毒氣內行衝心煩嘔極為惡候用新汲

水調下壹錢水不須多唯欲在膈上內托  
毒氣使不內攻三兩服可救壹人命日進

三服 兼治打撲傷損 諸般內損 蛇

蟲咬傷並用溫酒調下空心服若些小印

內消大損則敗血自大崩去矣凡癰疽膿

血出未收斂間常須服之○直指方粉乳

托裏散癰疽初發便服或毒氣入裏衝心

煩悶吃嘔嗽喘以至泄瀉急用此頻服托

裏返出毒氣自內發起于外此藥又能消

已發未發皆可服神妙壽域神方治癰疽初發一二日預防

毒氣攻心可先服此藥若嘔吐者不可治也真菘豆粉心二兩

乳香半兩以竹葉包熨斗火熨乃研細

得效方以芻葉或蘆葉盛蓋火熨攤研石末每服二錢熱新水調下或生甘草

煎湯調食後少時細呷常要藥味在胃膈

間則毒氣不能攻心或瘡已沈晦用當歸

壹錢粹桂二錢煎湯調下仍以加味不換

金正氣散為佐小兒豆瘡陷入粉乳散能

救之癩瘰攻心嘔悶通治外科精要內

托散又名乳香萬全散又名托裏散又名

乳香散又名護心散凡有疽疾瘡日至三

日之內宜連進十數服方免變證使毒氣

出外服之稍遲毒氣攻衝臟腑漸作嘔吐

後來多致咽喉口舌生瘡黑爛生菌名曰

心氣絕飲食藥餌無由而進證亦危矣首

宜服此若瘡發及四五日之後此藥但宜

間服當別用藥以治療之真綠豆粉一兩

乳香細研半兩右研令勻濃煎生甘草湯調下



少許時時細呷要藥常在胃膈之間若毒氣衝心有嘔逆之證大宜服此朱氏集驗方同嘔逆證註說甚詳嚴氏濟生方右爲末和勻熟水調服楊氏家藏方言有人因鼻衄初愈不曾表汗餘毒在經絡背發大疽自肩下連腰脇腫甚其堅如石色極紫黑醫以涼藥傅之中夜大嘔乃連進此藥三四服嘔遂止既而瘡潰出赤水淋漓四十日而愈又有患瘰癧者痛過輒嘔服此藥

嘔亦止近見人病疽醫者不肯用此藥恐傷脾胃愚故引楊氏之言以解世人之惑

內消托裏散治諸癰癤余居

紅內消 山蜈蚣 蝦蟇 山茨菇

甘草節各等分

右爲搗散每服三錢酒二盞煎取壹盞服

越桃散洗諸癰癤

越桃一名枝子 黃芩

草 當歸 羌活 白芷

類聚 卷之三

右判散每用壹兩水五椀煎至四椀濾去

滓溫洗瘡永類鈐方同

獨活散浣洗一切癰疽

獨活 黃芩 莽草 當歸 川芎 大

黃 赤芍藥各一兩

右為散分作兩次先用猪蹄以水二升煮

令蹄熟去蹄入藥再煎十餘沸去滓乘熱

洗瘡

消腫毒方抹諸癰疽

衛生易簡方治一切癰疽發背癰毒惡瘡

川烏 草烏 蚌粉 海金沙 赤小豆

天南星各等分

右為細末用生地黃自然汁調抹醫方大成集成

南北經驗方神珍方永類鈐方同

秘方白梅散治一切無名癰癤腦癰乳癰及

小兒軟癰未成者散已成者小未潰者破未

愈者安排膿止痛去舊生新其效如神五金

不換膏應毒物休食立効書坊錢塘王解元

秘方羽林王將軍之後

塩白梅 火燒存性研為細末 輕粉 少許不可多無亦得

右細末用真香油濃調翎毛蘸抹如成膿

未潰中心留些休抹通氣抹至膿盡不妨

頻抹為妙背癰腿癰皆可用 永類鈞方同

家寶方柞木湯治發背及諸般癰腫

柞木葉 一葉一刺在處有之 地榆根 淨洗去土切片 萱草

根 洗去土切 乾荷葉 各等分 ○ 外科精要

方經驗良方急救仙方衛生易簡方乾荷葉中心蒂

右四味如急用濕者亦可共為粗剉將大

斗瓶膏隻入藥半瓶却灌新水令瓶滿煎

折二分存八分無時溫服不拘多少飲多

為妙如赤腫未結即自大便中下其狀如

碎猪肉勿以為在如瘡黑赤惡候恠証定

結成頭服之兩日黑定變赤其赤處變成

紅候 王

王蘧得效方用柞葉 四 餘三味各壹兩外

加草節 一 為剉散每半兩水三椀煎至壹

椀 易簡方 分二服 鈞方 分作早晚各壹

服易簡方早晚常服病愈為度併滓再煎壹服膿血自

乾未成者消精要集驗方良方仙方忌一切食毒

貼歛藥方合瘡

麥飯石粗麻石是也曾作磨者尤佳火煨

四次其石定細碎用甘銅盛煨候鹿角根

不用腦骨不用角朽貝母為

只用角根三寸火燒具母未

右等分為末先將舊淨潔衣絹片淨洗候

乾約瘡大小剪絹作壹輪子中留壹小口

却用壹小銚子熱少米醋約用多少將前

藥投醋中候冷攤於絹輪子上貼瘡一日

壹換此方救人累效

秘方淨肌散治一切瘡瘍諸證外舅蔡醫博方

雄黃分一北苓分一大黃分一海螵蛸分一人生硫黃

黃柏分一剪草分一黃連分一蛇床子分一五倍子

各半

右細末用真香油調抹瘡上大有功效

直指方

癰疽證治

癰疽證治

灸法癰疽初發小點壹二日間急以大蒜頭  
橫切如錢貼其中心頓小艾柱灸之五壯  
而止若形狀稍大以黃稭紙蘸酒全貼認  
先乾處爲筋脚於先乾處灸之或兩處先  
乾皆灸但五七壯而止又法屈指從四圍  
尋按遇痛處是根就此重按深入自覺輕  
快卽此灸之更於別處尋灸若成大腫卽  
搗蒜爲餅焙乾蘸法醋灸熱更換頻罨或  
以熨斗火於蒜餅上熨之更換熱餅頻熨

如覺患處走散卽以絲帛覆蓋蓋勿令氣泄  
俟少間傅藥凡癰疽展大如龜之形且看  
頭向上下先灸其前兩脚次灸其尾或紅  
筋走緊而長從盡處灸之須留頭并後兩  
脚勿灸若盡灸之不惟火氣壅聚彼毒無  
所走散又攻入裏也或辨認不明以

白芷分 漢椒 桑白皮各一分 連根葱白十

○得效方  
葱白十莖

右取新水得效方煎湯入酸醋半盞淋洗

少頃其筋自現可以辨認頭尾

速消方癰疽發背已發未結已結未潰急以黃明牛皮膠新水溶令稀稠得所攤在抄紙上貼之良久以軟布二條於醞醋中煮熱互換漉出罨在膠紙上蒸熨常要熱氣相接若患處癢乃藥氣透須忍癢頻蒸熨直至消散或破而膿出將盡即以貫衆煎湯洗去膠紙用退腫散蠲毒散沉水膏等類摻傅或使用拔毒散隨宜急服萬金一

醉膏或內消散乳粉托裏散破後以洗瘡方盪洗發散毒氣

拔毒散癰疽腫結通用能散能潰

南星上等大白者一兩 草烏頭白芷各半 木鱉

子仁研一箇

右細末分兩次法醋入蜜調傅紗貼之

蠲毒散治癰疽腫毒未結則散已結則潰去

風排膿

大南星兩一 貝母三分 白芷 赤小豆 直僵

蠶焙各半兩雄黃二錢研

右細末初用醋調傅後用蜜水調傅

癰疽宣毒方諸癰疽已破未破通用

瓜萋一箇去皮剉細紫車蛾殼一箇黃泥和鹽塗傳煨通紅用叁錢

皂角刺微炙各二錢甘草微炙各二錢乳香輕粉各半錢

右細末先用老酒貳椀煎瓜萋濾清取壹

大椀五更煖瓜萋酒調上項藥末空心服

大便自下惡物如魚涎狀

宣毒一醉膏

癰疽宣毒方  
瓜萋一箇去皮老翁鬚一倍

右剉酒水等分同煎少頃入開口正川椒

肆十九粒臨熟又入乳香沒藥末少許恁

意服

癰疽宣毒方  
黑牽牛去皮

右取仁入猪腎中線札濕紙包熱火灰內

煨香熟候冷溫酒嚼下

宣毒方

斑猫一枚只好大棗一枚去核包裏班猫  
葉重包濕紙入猪腎中線札青竹  
裏煨熟去猫

右空心喫猪腎温酒下

又方宣散癰疽腫毒

老翁鬚草

亦名金銀花忍冬草鸞絲藤水楊藤其藤左纏花五出而白微

香帶帶紅色野小延蔓

右花與葉生搗煖酒調服無花只川葉酒

和葉烘煖可傅瘡

穿山甲散癰疽托毒排膿治五毒附骨在臟

腑裏托出毒氣止痛內消

蜂房一兩蛇退

穿山甲

油髮

並燒帶生

右爲末每服貳錢入乳香末半錢煖酒調

下

皂棘散托毒排膿

川芎

半兩甘草生一兩

乳香

一分

皂莢刺

燒帶生

右末每貳錢温酒調下



芎歸托裏散托裏排膿生肌

川芎 當歸 白芍藥炒 木香 白芷

茯苓各半 人參 薤桂 丁香 甘草生

分一

右末每二錢食前米湯調下

癰疽毒入臟腑嘔吐惡食方

甘草焙半 丁香三錢

右剉每服二錢水煎入麝少許溫服

癰疽腫毒傳藥仙靈散收腫斂毒排膿

滑蘭根皮末 紫貝草搗

右二味同搗酒調為膏傅或密水調亦好

滑蘭把毒紫貝散血或單用紫貝草亦效

妙勝散收腫斂毒排膿

落地茄花去心 黃蜀葵花去心并萼

右為末井水稀調雞羽掃放患處乾則再

傅或收毒平散或破潰出膿神效如瘡口

開用末搽亦斂毒不急澁

消腫散癰疽通用星 赤小豆 白芷 黃

滑蘭皮 大南星 赤小豆 白芷 薑

黃各壹分白及半

右細末酒調傅或蜜水醋同調傅收漿口

退毒散癰腫通用

木鱉子去油大南星 半夏生 赤小豆 白

芷 草烏連皮尖

右細末硬則法醋調傅熱炊則蜜水調傅

川烏散癰腫初發急用

川烏 蜈蚣築土等分

右細末法醋調傅未結則散已結則潰

夜明砂膏潰腫排膿

夜明砂壹兩 梓桂半兩 乳香壹分

右細末入乾砂糖半兩和用井水調膏

傅

乳豆膏治癰疽腫節疼痛入門先用此止痛

綠豆去皮取肉壹兩 乳香竹葉裏熨壹分

右末酒調傅傘紙貼乾則再傅續後却換

消腫排膿藥

星烏散治癰疽已結未作穴潰

大南星 草烏頭 粹桂等分

右末用酒或醋調傅軟白紙貼未穴再用

欽毒散傅四圍收毒

南星 赤小豆 白及等分

右末井水調傅四圍軟帛貼上

退腫散癰疽腫毒通用

大南星圓白者 半夏生各半兩 赤小豆 五倍子

白芷 貝母各二錢半

右細末蜜醋調傅

收毒外消膏

黃明牛皮膠以長流水半升溶開一兩 號丹再煎柳枝急攪五大

沸壹兩

右候冷收入磁合以雞羽攤於瘡上留口

如未破傅腫自消

乳香膏治癰疽腫毒惡瘡排膿止痛收縮筋

脚

乳香竹葉包熨研 沒藥各一分 輕粉壹錢 麝半錢 黃蠟

二錢 草麻子仁 兩 壹

右搗研極細成膏以撫紙折薄攤藥留眼貼之日二換或純用草麻子仁入沒藥研細傅貼

保安妙貼散 外科集驗方名 治癰疽發背腫

毒

透明硫黃 為細末○集驗方三兩 蕎麥麵 各貳兩

右用井花水調和作餅焙乾收下要得硫黃性和用時再末之入乳香少許井水調

厚傅瘡上如乾以雞羽蘸新水潤之如此至瘡愈方歇痛則不痛不痛則痛神驗○經驗良方右用透明硫黃蕎麥各貳兩為細末以井花水調和稀稠得所攤作餅子日乾或焙乾收之遇有患 集驗方如有惡瘡 再為末以井花水調敷瘡上如乾再以水潤藥直至瘡愈方止如痛即不痛如不痛即痛神妙

蜀葵膏治癰疽腫毒惡瘡

黃蜀葵花 醫方大成集成南北經驗方袖珍方永類鈔方衛生易簡方若無花根葉皆可

右用揀摻收入磁器密封經年不壞患處傳之白平白潰蜀葵子炒碎入宜毒藥中尤驗

皂角膏癰疽腫結通用

不蛀皂角 滿尺者搥碎去核

右以法醋煮爛研膏傳之自消

四虎散治癰疽腫硬厚如牛皮按之方痛

大南星 草烏頭 半夏 生 狼毒 等分

右細末醋蜜調傅留頭出毒氣

沉水膏癰疽發背排膿欽毒

大南星 參 分 白及 白芷 赤小豆 半夏

生 貝母 各半 兩 木鱉子仁 去油 乳香 沒藥 各

錢 雄黃 錢

右細末井水入蜜調傅紗貼

爐峯散治癰疽腫毒等患

爐甘石 綠者 十分 細壹兩 大南星 半夏 生 各五 半兩

倍子 赤小豆 片薑黃 直僵蠶 貝

母 白及 各肆錢 乳香 貳錢半

右細末未破者酸醋調傅已潰者清蜜調  
傅半乾濕只摻若紅腫多汁生地黃研汁  
調傅仍煎苦參桑白皮湯淋香 疥癩仁  
麝香散癰疽已結而頭不破用此豆 半夏

直雀屎 研壹錢 斑猫 去頭足翅壹錢半 腦 麝隨意

右細末法醋調少許點在有頭處立破急  
用煎黃連湯洗去

湧泉膏治癰疽軟而瘡頭不破或已被而瘡  
頭腫結無膿

斑猫 去頭足翅

右為末揉和蒜膏似小豆許點在膏藥中  
准瘡口處貼之少頃膿出即去藥或用綠  
礬直雀屎少許川餅藥調一點傅瘡頭軟  
處亦破須四圍塗藥護之又德然川餅水  
護肌膏收暈斂毒

大南星 二明 白礬 並生用七錢半 白欬 白及

雄黃

右細末每半兩生地黄取汁調傅瘡暈外  
舊肉上自外圍而促斂之又驗瘡用新水  
調筆蘸傅瘡藥力勝則腫消皮皺易瘳若  
腫處皮急暈開難瘳  
神功妙貼散塗傅癰疽暈內使膿血化為水  
出收暈斂毒

大南星圓白者 草麻子仁各四錢 半夏生 白石  
稍薑黃 五倍子淡紅者 貝母白及 各三錢

沒藥 乳香

各貳錢 花藥石散貳錢

右細末夾和井水入蜜調傅瘡色黯晦薑  
汁調傅從暈邊抹收入裏留中間如錢大  
貼膏藥若瘡開大全用紗攤藥以舊茶籠  
內白竹葉尾剪兩片如瘡勢先貼藥上然  
後貼瘡久年蓬仰上竹葉亦得竹葉出水  
籍藥以行之凡傅藥須是細末則不痛  
內消散癰疽惡方萌纔覺便服

穿山甲

插入穀芒熱  
灰中候焦黃

右為末入罇隨意每服貳錢半温酒調下  
或瓜萋煎酒調下尤妙日兩服

大全內消散內消癰疽惡毒纔覺使服

穿山甲截片以谷芒糠炒脆二兩當歸半兩甘草二錢半生

右末每服叁錢温酒調下

小車螯散內消癰疽取下惡毒首初便服

紫背人車螯生取殼一合鹽泥塞滿相合麻線纏塗外日乾炭火

蝦通紅去泥冷地出火毒一伏時

右細末每服叁錢入生甘草末壹錢輕粉

壹字用瓜萋壹枚燬心三十莖分兩次煎

酒乘熱調下五更温服天明又服日中大

便下黑苔惡物或不用甘草入蜜貳匙

皂刺散治癰疽等患宣毒排膿首初便服

紫黑色皂角刺連皮瓜萋等北五靈脂

分

右剉細每服肆錢酒二大盞煎六分入乳

香少許温服皂刺亦能宣毒

蟬攀圓治癰疽發背癰瘰漏瘡惡瘡衛護內



膜驅解諸毒自然內消神妙

通明白礬生用 貳兩

右細末黃蠟壹兩貳錢溶注就爐上入礬

拌和衆手圓桐子大每服十五圓熟水下

或冷酒下常服之漏瘡用油髮灰和雞

子內金末外塞得效宜連服數日

排膿內消散治癰疽發背活血排膿消毒紅

內消即紅附方

何首烏一兩當歸外州芍三生地黃兩川續

斷各洗伏苓 芍藥 白芷 半夏麩

霍香葉各半紫草茸 甘草各三錢半

右麩末每服三錢新水二分酒壹分薑棗

煎服有熱者加燈心只用水煎

究原排膿內補散活血排膿扶養內氣或大

潰開爛用此救裏內塞方見腸以加味不

換金正氣散佐之有熱證者勿用以排膿

內消散加燈心服

五香散治癰疽須用香氣透達經絡

木香 丁香 霍香葉 各一分 沉香 乳香

連翹 木通 續斷 桑寄生 甘草 微炙

各一分

右細剉每服三錢井水壹碗煎七分入麝少許患在上食後服患在下食前服五發證皆令人頭痛惡心寒熱氣急拘攣此藥療之如有熱加燈心桑白皮

加味不換金正氣散治癰疽寒熱往來或內挾風邪或內氣虛餒通用最能發出風毒可

與排膿內補散並行

蒼朮 麩炒 橘紅 半夏麪 霍香葉 厚朴

製各一兩 甘草 炙七錢半 白茯苓 川芎 各半兩 木香

半二錢

右為末每服三錢薑五片棗二枚煎服若瘡陷不發多加粹桂當歸

貳香散風氣食叁證通用調暢胃氣須兼服之

木香 霍香葉 白豆蔻仁 半夏麪

厚朴製橘皮 伏苓 蒼朮炒 甘草炙各半兩

益智仁 縮砂仁各一兩 丁香二錢半

右麤末每二錢半薑棗煎服

黃耆托裏散托裏內虛止痛

黃耆 白伏苓各一兩 甘草生二錢半 乳香別研一錢半

右末每服二錢酒小盞慢火煎如膏再添

酒調服內虛加當歸

當歸酒治癰疽陰證頭平向內沉黯不疼渾

身患處不熱

梓桂去麤皮半兩 當歸四錢 木香 白花各二錢

右細剉每服三錢半醇酒壹椀慢火煎七

分入乳香末半錢不飢飽溫服以排膿內

補散加味不換金正氣散為佐以米舖猪

蹄脊肉為養喬麥麵能發起可煮食之如

更不發起用局方薑附湯加當歸木香炙

甘草煎服又更不發起用

穿山甲頭截片蘸醋炒焦 生人牙煨留性各壹分

右為末分作兩服用粹桂當歸去節麻黃煎酒食前調下患處用生薑汁和麵厚塗或用川烏硫黃人牙煨並細末酒調傅之消毒散肉消癰疽惡毒

當歸 白芷 甘草 生赤小豆 紫草茸  
各半 兩 貝母 兩 壹

右末每貳錢半水酒煎日二服

瞿麥散排膿止痛通利小便從小便出毒氣

瞿麥穗 赤小豆 當歸 川芎 白芷

黃耆 赤伏苓 各半 兩 粹桂 甘草 各二 錢半  
 右末每貳錢半酒調下

萬病解毒圓治癰疽發背魚臍毒瘡藥毒草毒桃生毒蛇獸毒蠱毒瘵虫諸惡病

文蛤 即五倍子 壹兩半 山茨菰 即金燈花根 壹兩 洗焙 紅牙

大戟 洗焙七 錢半 全蝎 五枚 大山豆根 續隨子

取仁去油留 性各半兩 麝香 一錢 朱砂雄黃 各二錢

右件先以前五味入木臼搗羅為細末次研後四味夾和糯米糊圓分作三十五圓

端午七夕重陽騰日淨室修合每服壹圓  
 生薑蜜水磨下井水浸研傳患處解毒收  
 瘡救病神妙朱砂雄黃乃瘍醫五毒攻瘍  
 中物也○永類鈴方治癰疽發背魚臍毒  
 瘡藥毒草毒桃生毒蛇獸毒死牛馬肉毒  
 瘵虫蟲毒諸惡病諸風癰疹赤腫瘤山嵐  
 瘴癘等病神效文蛤即五倍子鎚碎山茨  
 菰即金燈花根紅芽大戟洗焙乙千金子  
即續隨子去殼射香三錢右件除千金子  
 并油取霜乙兩

射香外三味細末却入研藥糯米煮糊元  
 分作四十元每元研生姜薄荷汁井花水  
 研服通利壹兩行無妨合時宜端午七夕  
 重陽或天月二德日淨室至誠修制一方  
 加全蝎十枚朱砂雄黃各四錢乃瘍醫五  
 毒攻瘍中物也

紅內消散癰疽內蘊熱外發熱用此

紅何首烏半兩遠志水浸取肉赤伏苓燻薑汁焙川  
 芎北梗苦參赤小豆赤芍藥

蔓荆子 威靈仙 各叁錢 生甘草 半斤

右末每服貳錢麥門冬十四粒煎湯調下

清心散治癰疽有熱證

遠志 製 赤伏苓 赤芍藥 生地黃 麥

門冬 去心 知母 甘草 生各等分

右剉每叁錢薑棗煎服小便秘加燈心木

通

癰疽大便秘導毒方

紫草 瓜蒌 連皮

木以人乳藥醋米泔洗

右剉新水煎服或用黑豆豈煮入生薑紫

蘇煎湯亦得

癰疽煩渴方

參苓白朮散

右以瓜蒌根菜豆烏梅煎湯調下

加味八味圓降心火生腎水治諸渴疾癰疽

未發前已瘥後渴證通用

好熟地黃 洗焙二兩 ○外科精要朱氏集

七次焙 山藥 洗焙 乾却用酒酒飯上蒸

乾秤 山藥 炒 山茱萸 蒸取肉焙各一

方去核粹桂者去麤皮半兩○精要淡澤瀉

取肉培者不用厚者不見火截作塊酒蒸磁器盛牡丹皮焙○集驗白

甌內蒸五次判焙伏苓各八錢○精真北五味子慢火焙透

半○精要去枝硬略炒令透

右為末煉蜜候冷和圓桐子大每服叁十

元空心搗湯下精要集驗方每日五更初

吞下三四十九集驗方又云真北五味子

最為得力此味能生腎水平補降心氣大

癰疽腹痛方

丸凡濕口苦齋人主煎

粹桂壹木香壹芍藥北五靈脂各半

右判散每服三錢薑棗煎服

癰疽泄瀉方

粉乳栝裏散

右用木香白伏苓煎湯調下加味不換金

正氣散佐之嘔惡通用

癰疽虛證寒戰方

明乳香研細

右每服壹錢熟水調下戰發於肝乳香著

肝而溫之寒戰隨止

山藥圓身赤白治癰疽因腎虛勞員所發每

服七十圓五更初腎氣開時端坐勿言勿

動勿咳勿唾侍側有人進藥盪湯下日間

以排膿內補散加川芎當歸白伏苓佐之

最療勞損證

特異萬靈散治癰疽發背腫毒等患神妙

軟不亭燒通紅旋覆在大白南星赤小

豆連皮尖乳香別研二錢

各半兩

右細末蜜水調膏從外抹收入留最高處  
如錢勿傳如已破切忌藥入瘡口恐痛斂  
毒排膿不致潰爛屢效

洗瘡方

莽草 苦參 貝母 射干 木通 蜂

房 大腹皮 桑白皮 漢椒 連根葱

白多自芷

右煎湯密室中淋洗

又方白芷兩新桑白皮三分貝母兩半漢椒三錢紫



蘇三  
莖

右剉碎分兩次入連根葱煎以葱蘸湯洗潰爛者猪蹄煎湯洗或水膠煎湯洗亦好北艾湯癰疽瘡口冷滯膿血少肉色白久不合逐日用

北艾把一

右煎湯密室中洗仍以白膠燒烟熏之續貼膏藥仍多服排膿內補散加味不換金正氣散

又方瘡口已成大窟以

桑白皮一分當歸半分

右為末乾摻外用北艾蘸蜜水研細塞口

桑皮散治瘡口有熱收斂作痛赤爛淫汁

桑白皮新者壹兩苦參 槐花 天花粉曬各半兩

右杵細末乾摻仍煎苦參桑白皮湯盪洗癢者加檳榔輕粉

又癰疽方

白芷 桑白皮

右煎湯洗以桑白皮末摻效

又瘡口大窟專以

大桑葉日乾

右末之類摻效經霜黃桑葉尤好摻傳煎湯皆可用

又方生絲瓜或生地黃或芭蕉根取汁筆蘸抹

消蝕散消蝕惡肉淫虫朽骨先川洗瘡方然後傳此

明白礬入銀窩內凡蓋綠礬煨雄黃乳

香好胭脂遠志水浸取肉

右細末蜜水研膏傳惡肉上麻油調亦得又消蝕方臘月收獾猪糞燒存性

獾猪糞騰月收燒雄黃雞心檳榔各二

右細末濕者摻乾者麻油輕粉調抹蝕惡肉蘭茹好

茶蠟圓諸瘡潰後孔中以鎔蠟和好茶捏尖圓塞其中以牛角內粉屑夾天花粉真蚌

粉乾摻消毒生肌

歛瘡散

軟滑石 花藥石 雞內金 各半 白及 三錢

半 白歛 二錢 號丹 煨 滴乳香 各壹錢

右滑石花藥石炭燒通紅椀覆泥地一伏

時為細末次入餘藥末研和乾摻神效

保安歛瘡方

白歛 白及 各壹兩 雞內金 二兩 厚黃藥 半兩

右細末井水調傅須膿盡乃可用潰者亦

能歛

硬瘡生肌方

降真香 一兩 紫赤 大斤 桑白皮 新 半夏 各生

半 乳香 當歸 五倍子 各二錢

右細末乾摻

又方大南星 半 夏生 五倍子 雞內金 各半

兩 南木香 當歸 厚黃藥 降真香節

白歛 白及 各二錢

右細末先盪洗後摻藥傷撲通用

生肌散

老狗頭生腦骨

截碎新尾  
煨透二兩

桑白皮

新者  
一兩當

歸二錢

半

右細末麻油調傅瘡深則摻傘紙護之

太乙膏治癰疽發背惡毒

好號丹

二兩

男生髮

洗焙  
二錢

木鱉仁

碎三肥  
枚

白巴豆肉

十八  
粒

右用麻油四兩慢火先煎巴豆木鱉髮團

更換柳枝攪准髮耗五分頓冷爐絹濾再

煖入淨號丹換柳枝頻攪候色變滴入水  
成珠隨意入乳香末再煎沸傾入磁器候  
凝覆泥叁日貼用凡修合膏藥密室中勿  
令猫犬婦人見之  
神應膏治癰疽發背惡毒

龜泉好光粉

二兩  
真麻油  
三兩

右慢火同熬更換柳枝頻攪滴入水成珠

方入白膠末少許徐徐傾入磁器以水浸

兩目抄紙攤貼

神異膏治癰疽發背惡毒瘡癩

黑參 白芷實 露蜂房 杏仁不去皮 木

鱉仁男生髮 洗焙各二錢 蛇退鹽水洗 肥白

巴豆五粒

右剉細麻油五兩同藥入磁銚浸一宿慢火煎更換柳枝攪候藥色焦黑頓令爐生絹濾再入銚煖入淨號丹貳兩柳枝急攪候黑滴入水成珠入乳香末貳錢拌和傾入磁器候凝覆泥地三日貼用

遇仙膏治癰疽發背毒瘡等

川五靈脂 白芷 貝母各半 當歸二錢

右剉細柳枝截貳十四寸麻油六兩同上藥入磁銚壹宿慢火煎柳枝攪藥色稍焦入肥白巴豆二十壹粒木鱉仁碎五箇攪煎令黑頓冷爐生絹濾再煖入蠟半兩溶盡再頓冷爐入淨號丹二兩半更換柳枝急攪候色黑滴入水如珠入乳香沒藥末各二錢拌和傾入磁器候凝覆泥地三日

貼服皆好柳枝止痛

神仙截法治癰疽發背毒瘡發作便服使毒氣不內攻可保

真麻油

銀器內煎十餘沸傾出候冷一斤○外科精要數十沸

右和醇酒二椀分五次盪溫日夜服盡解陰證沉毒○精要右用重灰酒兩椀浸油內約五大盞許無湯溫稍熱通口急服壹日盡之爲妙感疾數日者亦宜急服之佳此法傳授之於吳安世云吾家三世用之

無不驗又聞獵者云凡誤中藥箭急飲麻油則藥毒不行後果於西山親覩人被虎箭穿股者號叫不忍聞急以麻油灌之良久遂定又聞鄭學諭德甫云渠尊人曾用之有驗故備錄之

癰疽發背龜形灸法凡發背如龜形辨認龜頭不論在右上下但以腫高處爲頭或有疑似卽以黃稗紙蘸醋掩之先乾處爲頭把筆點定男女皆取左手中指用草比量全指爲

度一樣剪草十二片六片安頓在外合作龜背形六片安頓於龜背之內中心直頓二片四方分頓四片內外各相連合如是則頭尾四足定矣以筆點其尾足抹蒜膏灸之先灸其尾七壯火未滅便灸後一脚七壯火未滅又灸後一脚七壯逾遷如是灸至前兩脚而止須留龜頭莫灸以出毒氣法艾捍實如筋中間大剪作艾柱此法合陰陽氣候可用灸之省方療理

### 癰疽方

赤小豆 綠豆 黑豆 合川薑黃 末炒之  
右爲細末未發起薑汁和井水調傅已發起蜜水調傅  
諸癰疽大便秘方

甘草

生一分

右剉碎井水濃煎人酒調服能疎導惡物  
蝕漏瘡生油髮燒留性 白及壹錢細末摻傅  
去水膏治癰疽破穴後誤入皂角水及諸毒

水以致疼痛

甘草

生為末一分

砂糖

糯米粉

各三分

末各

右為膏攤在絹上貼毒水自由驢馬汗及尿糞一切毒水皆治之

木香摻收瘡口方

木香

雞心檳榔

號丹

煨各一錢

輕粉

右細末摻

秦艽摻方治一功瘡口不合秦艽細末摻之盪洗方

蜂房 白芷 苦參 川椒

右煎洗熱熯加荆芥

癰疽瘡口深大方

深山黃牛糞

塞滿瘡藤紙貼三四日後

蜂房 白芷

大腹皮

三件煎湯

右以黃桑葉晒為細末撒摻常服酒調排

膿內補散飲醇酒食肥肉自然生肌深山

黃牛喫百草平田牛只喫禾藁

諸惡核方或在上或在下頑結留滯不潰不



散川瘰癧門立應散宜毒從小便出非用  
膏醉膏之類宜毒從大便出也先以大戟  
草烏爲末酒調傅仍服蠟礬圓或穿山甲  
炙焦爲末溫酒調下佐之在上者加皂莢  
刺帶生灰煎葱湯熏洗

癰疽惡核男以左邊爲重女以右邊爲重  
發頤方此瘡最險毒氣灌注頭面腫大可畏  
牙齒亦脫治法解開頭髮尋頂螺中灸二  
十一壯如不透達灸至四十九壯而止其

瘡開口大孔用東向石榴皮晒爲細末撒  
摻其中特異萬靈散本方加煨過石膏半  
倍蜜水少許調傅四圍不換金正氣散排  
膿內補散二藥各加川續斷皂莢刺燒去  
半帶生灰相開煎服皂莢刺性上行主上  
焦病凡癰疽藥太溫加乾薄荷煎服石膏  
性寒始亦疑之然火煨通紅盆覆地上以  
出火毒最能收暈使瘡口把就不至爛肌  
發癩證治

癰疽疔瘡惡瘡妙方

生髮燒留性三分皂莢刺燒帶生二分白及一分

右細末乾摻或井水調傅皂莢刺能行諸

藥

癩方

生髮燒留性皂莢刺燒留生各二分赤蜈蚣燒半厚黃

栢各一分

右細末雄猪膽汁調傅

又方雞內金生髮各燒留性夾和大南星半夏

生細末摻

又方皂莢刺燒帶生白及少許細末摻諸瘡通用

又方燕巢和百雀兒糞研膏傅

又方生髮燒留性末之米湯調服兼傅漏瘡

亦効

諸發諸瘡蠟礬圓冷酒入麝香送下

洗盪癩瘡方

荆芥穗 白芷 漢椒去目葱白連根

右川井水煎入塩候温自手臂上盪下日

三次癩疽毒氣走臂腫所至處緊繫之

癩方

生井蛙 取皮日乾 燒帶生

右細末搽或蜜水調傅又通用方在前

是齋立應散

方見癩 瘰門

癩瘡灸法癩瘡自手發者毒走至心下救自

足發者盡走至腎不救各有小紅筋湯洗

再尋其筋之住處灸小艾炷參壯即差此

即蛇瘡

癩瘡方論癩瘡壹名蛇瘡南地多有毒蛇吐

毒於蠻煙瘴雨之鄉人有伏水土風氣而

感觸之者數月以還未有不發為蛇瘡也

惟赤蜈蚣伏蛇最為上藥雄黃白芷次之

諸蛇藥亦可以制其毒矣雄黃有毒爛肌

但夾和蛇藥用

腸癰證治

壯丹散治腸癰冷證腹濡而痛時時利膿

人參 牡丹皮 白伏苓 天麻 黃耆

木香 當歸 川芎 桂枝 桃仁浸去

各三分 白芷 薏苡仁 甘草各二分

右末每服三錢井水煎食前服

木通散治腸癰熱證腹痛而強發熱惡寒小便似淋膿未成者用此

木通 薏苡仁 葶藶炒 甘草炙 川升麻

北便 桃仁浸去皮炒 赤伏苓 牡丹皮各壹兩

生乾地黄 甜瓜子 敗醬 赤芍藥各壹兩

兩半 大黃兩半 朴消壹分

右剉為散每服三錢井水壹盞半薑五片煎服

四聖散治腸癰癰疽使毒神效

生黃瓜壹枚 葶藶壹枚 粉草末四錢 沒藥末三錢 乳香壹錢

右件用好紅酒貳大椀慢火煎至壹椀分作兩服兩日服盡大便順導惡物妙若乾

瓜萋則用兩枚

薏苡湯治腸癰冷熱證通用方見血病門 加北梗

甘草煎服

究原排膿內補散治腸癰冷證及癰疽等患

人參 當歸 川芎 厚朴薑製 防風 北

梗焙 白芷 辣桂 黃耆炙 甘草炙 白伏

苓等分

右為末每服三錢溫酒調下如不飲酒南

木香煎湯下諸癰熱證黃瓜萆煎湯下

雲母膏治內外壹切癰腫結毒冷熱證通用

藥料四十件修製法度詳見諸瘡門 每服壹錢圓如

梧桐子大冷證以酒送下熱證甘草煎湯

送下又肺癰胃膈間隱痛而咯膿血鯉

氣上衝濃煎北梗甘草湯送下服畢皆就

枕

蠟燭圓治諸癰腫毒痔瘻惡瘡方見痔瘻門

燒棗散治腸癰

乾棗連核燒存性 川百藥煎研細等用

右為末每服壹錢米飲調下

外科精要

療癱疽發背首先用藥及點灸要訣此

論最緊要要子  
細玩味詳覽

凡人年四十歲已上頭頂鬢頤背脊腰脇間  
或筋骨之上所視不見之處稍有瘡癰使不  
可輕易待之若視之悠悠以為常疾每見由  
微至著喪命者多矣古人云背無好瘡面無  
好痣者是也寧可待之重其疾輕安不可待  
之輕令疾愈重又不可見此疾而隱諱又不  
可見此疾而憂惶有此疾者但宜把定心神

即便依法施治若不火次序未有不安者也  
最不可愴惶失序錯亂用藥又不可纔喫四  
五服藥便責無效况此疾積襲之久四五服  
藥安能奏功大盖此疾真似虎狼甚如強盜  
纔入於室敵之不合其理必致傷人防之得  
理迎刃而解今之瘍醫不言破陳訣要之藥  
遂使後學轉乖迷途愴惶失序輕者必重重  
者必死凡有此病未要辯問是癱是疽是瘡  
是癰是虛是實是冷是熱首先便服內托散

五七服

便止不  
可多服

次服五香連翹湯宜泄毒氣

便以騎竹馬取穴法灸之

此穴直是有起  
死迴生之功

隔蒜灸之度使毒氣有路而出不攻於內

如

彈盜入室室塞其路而捉之誰恐走了必傷  
主而後已又如遺漏在法打破其屋則火有  
路出而不傷其內若不打破其屋  
火在內燃火焰出屋內已壞矣

史灸足三

里引熱就下此皆良法今此五香連翹湯方

不膏僕比較之皆有不同其中有用大黃者

蓋大黃治癰癤之要藥所以孫真人治癰疽

方萌之時首以單煮大黃湯以宣其毒氣或

以車螯散追毒元首用宣利之藥無使毒熾

此其大法今時之人但見寵妾稍衆以為作

喪太過又病者於心有愧自謂內耗中乾致

有此疾遂令更服補助熱性之藥投合病者

之意宜矣殊不知邪之所湊其氣必虛留而

不去其病乃實若膏見此病而使投熱藥轉

助毒氣可謂拘薪救火經云實實虛虛損不

足益有餘如此死者醫殺之爾古人云癰瘡

未破毒攻藏腑壹毫熱藥斷不可用癰瘡已

破藏腑既虧膏毫冷寒亦不可用此是先後次第之要訣也至真要論云諸痛痒瘡皆屬於心又云陽氣溱襲寒化爲熱熱盛則肉腐爲膿又云大凡癰瘡多生於膏粱之人何也平日寵妾滿前溫床厚被未寒衣綿未飢先食無非飲醇酒食雞羊噉油麵嗜炙煇平日熏煮臟腑色力太過稍有不及便服興陽乳石狼虎之藥以助之取壹時之快意殊不知消渴消中消腎癰疽發背自此而起又因氣

宇不順而得之既得斯疾於心存慊壹毫冷藥斷不肯服醫者又不執術只得徇情首以十宣散投合其意便以膏藥敷貼其外殊不知毒氣方盛之時外被傅藥閉其毫孔內服溫藥助其毒氣致令熱毒之氣無路發越內攻藏腑傾人性命急如返掌豈有是證便以騎竹馬取穴法只灸五七壯不可多灸使心脉流通毒氣有路發泄或以蒜錢蒜節於疽頂上灸之亦使毒氣有路發泄不至內攻更於足



三里穴上灸五七壯此乃引熱就下故也詳載

騎竹馬愚今謹擇內托散又名萬金散又名托裏散方見第一

雙花香連翹湯第二沉麝湯第三甚者追毒

丸又名神仙萬病解及漏蘆湯已上皆宜熱

拔毒之藥既灸之後使毒氣有路而出服藥

之後使毒氣不傷其臟腑然後玩味方論或

命醫者商確疾證依法調治亦未晚也若有

煩熱口燥咽乾大府秘難大便沉實而滑或

洪數有力便可投之以漏蘆湯大黃等藥或

追毒元為宜熱拔毒之計或有瀉證醫者不

可便歸咎於藥以為張本之計殊不知患癰

疽之人每有泄瀉皆是惡候若疑似之間但

服內托散次以五香連翹湯沉麝湯五七日

之後繼之以國老膏萬金散牛膠飲子忍冬

酒柞木散黃繫元遠志酒之類皆可選用以

為破敵之需已上諸方不冷不熱不問老幼

少壯陰陽虛實冷熱多服為妙自有奇功所

有前賢精妙方論編集千後以備檢閱次序

門類整然不紊臨病之際若能子細玩味詳  
灼義理依法治之萬不失一

癰疽備論

初虞世云凡癰疽始作皆須以大黃等藥極  
轉利之既利之後病人當自知之勿以困苦  
爲念若日與其腹背潰爛藏府焦枯膿血流  
漓孔穴穿空備諸惡而死不若利而死況有  
生道哉古聖賢立法卒用五香連翹漏蘆等  
湯道路貧苦恐不亂及卽單煮大黃甘草作

湯以利之須排日不廢直至膿潰漸有生意  
卽服葷耆等藥排膿止痛千金外臺備矣世  
醫不學蔽以妄意不達標本皆曰瘡發于表  
豈可轉利死者比比良可悲夫

騎竹馬灸法

夫治癰疽發背發腦發鬢發須發頤發肋發  
腰發腿或發於四肢或婦人疔癰不問男女  
一見有此疾者皆可卽使用此法灸之無不  
安愈如葉丞相方洪內翰方陳日華方郭知

縣方皆云自得此救人不可勝計僕亦嘗用果有神效

其法先令病人以肘凭几豎臂腕要直川篾

一條自臂腕中曲處橫紋男左女右貼肉量

起直至中指尖盡處截斷為則不量指甲却

用竹扛膏條令病人脫衣騎定令身正直前

後用兩人扛起令脚不著地又令二人扶定

勿令僵仆準察方却用竹扛一條令病人脫衣騎定令身正直足離地面其扛

前後以兩膝卓子或高几于盛起仍用軟被

衣襖之類觀令扛頭穩定仍用兩人扶住患人肩膊毋令傾仆舊法扛兩頭令人扛却起不免搖動不如只用卓子盛起為穩當

將前所量臂腕篾從竹扛坐處尾骶骨盡處

直向上貼脊背量至篾盡處為則用墨點定

此只是取中非灸穴也却用薄篾作則子量

病人中指節相去兩橫紋為則男左女右截

為一則就前所點記處兩邊各量壹則盡處

即是灸穴兩穴各灸五壯或七壯止不可多

灸不問癰生何處並用此法灸之無不愈者

膏云可視發疽發於左則灸右發於右則灸

左甚則左右皆灸蓋此二穴心脉所過處凡

癰癤皆心火留滯而生灸此則心火流通即見安愈可以起死救危有非常之效屢試屢驗矣素問云諸痛痒瘡皆屬於心又云榮氣不利逆於肉理乃生癰腫榮者血也心能行血心滯則血為之不行故逆於肉理而生癰腫灸此穴使心火調暢血脈流通愈於服藥多矣

第 一 先從男左女

圖 一

右臂腕中曲

橫紋起用薄

篋壹條量至

中指齊肉盡


處不量指爪

為則剪斷



第二圖

男以左手女  
以右手先屈  
中指用薄篔  
量取中間壹  
節兩橫紋斷  
為同身壹寸  
為則子



第三圖

先令病人脫去上下衣服以大竹杠壹  
條跨定令兩人徐徐扛起足要離地五  
寸許兩傍更以兩人扶定毋令動搖不  
穩却以第壹圖則子貼定竹杠從尾闕  
起貼脊量至則子盡處以墨點定記之  
非灸穴也此是取中穴止處却以第二  
圖取同身寸則取兩寸平摺自中穴量  
之以中分取兩傍各壹寸方是灸穴



三

圖

夫以中長短而論  
 圖如同良十  
 非矣六出北其  
 或謂不量至川  
 醫味是也  
 十若而奇更以  
 論經安令所  
 武合誠人無法  
 此以大江珠



新

圖

澹察方騎竹馬灸法

澹察方騎竹馬灸法  
 此法灸法  
 為十而路已人不  
 門可委之外人萬  
 精古之備  
 毒中其不  
 圖天帝能之

論鬲蒜灸得效須先知庶使預前有備

江寧府紫極觀石碑載之

李氏云治疽之法著艾之功勝於用藥緣熱毒中鬲上下不通必得毒氣發泄然後解散古人立論警諸盜入主人之家必開其門戶逐之使人萬守門戶閉塞無從而出傷主而後已人不幸而有此疾適處貧困適居僻邑村疇難得藥材則著艾尤爲利便著艾之初須初發瘡口之內尖頭如麻

豆大時便好指手其法用大獨頭蒜

本草名葫

薄切如小錢大亦如錢厚以蒜錢貼於疽

頂尖上以熟艾炷安於蒜錢上灸之三壯

壹易蒜錢若灸時疼痛要灸至不痛初灸

時不痛要灸至痛然後止大槩以百壯爲

準用大蒜取其毒有力多用艾炷取其火力

力通透如法灸之瘡壹發膿潰繼以神異

膏貼之即日而安壹能使瘡不開大二內

肉不壞三瘡口易合一舉而三得之然人

未知之而多遲疑二決至二日之後疽大如指毒氣開散病者不能堪火不可着艾矣可不預知之乎但頭上見疽或項以上見疽則不可用此法灸反增其疾兵部手集同

背疽根脚闊大未有尖頂尋灸穴法

李氏云凡覺背上腫硬疼痛用濕紙貼腫上看先乾處便是癰頂可用大蒜十頭淡豉半合乳香壹塊如龍眼大細切隨瘡頭大

小用竹片作圈子竹片闊二分許隨其大小頓在瘡頭上將所研藥填平鋪艾灸之若痛處灸至痒爲度若痒處灸至痛爲度亦以百壯爲率但頭上見疽及項以上見疽千萬不可用此法灸之反增其疾

論蒜餅施川分其輕重

伍氏方論曰凡蒜餅上灸者本草名葫壹名蒜味辛溫有毒生散癰腫不宜多食然但假火勢以行藥力或有灸不用葫只以艾



炷安毒上使灸此法可施治頑疽痼癰發之類必假火熱攻令速潰大抵用葫善法若有赤腫紫黑或有惡腫葫法施治可謂至妙

灸法論要引證辨惑論

五代方論曰夫癰疽發背者皆有所因前篇言之詳矣然初覺背有點白粒并赤腫先從背脊骨第二顧下陷中兩旁相去同身寸各一寸五分名熱腑穴此穴宜洲背上

諸陽熱氣兩處可灸七壯止同身寸法取

指頭此至近掌橫紋為三寸對折點定從脊骨點定處橫量何項盡處是穴

抵人年四十七已上最宜灸此其背永無

癰瘡之害由外科凡癰疽初作不論腫赤

闊俠可依後論墨圍津潤一二日覺毒勢

盛便以獨頭蒜本草名葫切作薄片如錢樣安

置毒上以艾炷不論壯數多之為多為妙

素問云有寒化為熱熱化為膿人皆感此

說以謂熱極不可復灸殊不知本寒邪所

傷艾火攻散迺善本因血化熱盛分肉之間不能外泄皮膚頑厚漸逼入內譬如強盜入室迫近於主主力且弱以兵鬪之於主如何不若開門與出乃順所以灼艾火攻特破其肌則邪毒無所容留而真氣不耗如此向安之理備矣豈謂火熱爲疑耶著灸真法人自忽諸初虞世必用方云外用火毒以宣內毒如或未信此理可以實處試灸小瘡驗之灸罷卽與瘡平矣若不

灸則任其潰乃調膿挑腐如維刀所刺壞肉壞筋而膿從骨間出旣傷藏膜此不復治付之無可柰何用灼艾法此爲確論雖人老壯亦用施治幸勿疑焉 着艾之法極是良便或處於僻鄉無藥可贖或居於貧乏無力可得不同貧富貴賤均可施治但頭上有瘡及項已上見瘡不可就瘡頂上輕易灸之反生大禍但可以騎竹馬取穴法及足三里穴灸之多獲奇效所有史

氏序論併錄于后以解世人之疑惑耳  
史氏序

源幼時學舉業全不知醫藥甲戌年自太學  
歸省國醫常穎士器之適在府下求爲母  
氏一診云有蓄熱必渴時母氏不引飲略  
喜水又云但防作瘡覺瘡便著艾于上勢  
盛則五花多之謂中及四旁隨赤到處灸非方停也切記至  
辛巳年六月望日母氏忽言背胛間微痒  
視之有赤半寸許方有白粒如黍粟記器

之言乃急著艾其赤隨消故二七壯而止  
信宿復覺微痛視之有赤下流長二寸闊  
如韭葉舉家不悉皆以前灸爲悔親戚交  
謫謂赤熱如何用火有詆器之者遂呼外  
醫用膏藥覆之益引壹日夜增一暈至二  
十二日衡斜約六七寸痛楚不勝間壹呻  
吟聽之心碎蒼忙詢告或云等慈寺尼智  
全者前病瘡甚大得灸而愈奔問之全云  
劇時昏不知但小師輩言范入奉議忠宣之子

守定灸入百餘壯方甦約艾壹節爾亟歸  
白之見從始以銀杏作炷其上十數殊不  
覺乃截四旁赤引其炷滅四之三皆覺痛  
七壯後覺痒每壹壯燼則赤隨縮入灸至  
三十餘壯赤暈收退病者信遂以艾作團  
梅杏大灸其上漸加至雞黃大約四十團  
方覺痛視火焦處已寸餘蓋灸之遲而初  
發處肉已壞壞肉盛隔至好肉方痛爾四  
旁知痛者肉未壞也又有言壹潘殿直居

城南施瘡藥每效源卽再拜邀請時已曛

黑火爇滿背潘以手離瘡五六寸許試之

云瘡高阜而熱不妨

且云只怕不高而熱氣少者

病者

食粥訖安寢

前此六夜不寐

至曉示之瘡如覆背

甌突然高三四寸上有百數小竅色正黑

以千金所說與潘氏高阜之言求之突然

高者毒氣出外而聚也百數小竅者毒未

聚而浮攻肌膚也色正黑者皮與肉俱壞

也非艾火出其毒於壞肉之裏則五臟逼

矣至是方悟明堂圖與煙蘿子所畫五藏  
在背如懸挂然今毒行分肉間待其外穿  
潰則內虛外實虛則易入實則難出較然  
可見而聽庸醫鑿川尋常赤腫敷貼涼冷藥  
以消散之此借寇兵也源痛自咎爲人子  
才曉醫藥致親疾危甚荷神明扶佑於蒼  
忙間問知艾力已危而獲安顧何以報神  
明之德唯詳具灸效及以名醫所論長者  
所教體當治療將養避忌之法盡告後來

庶以推廣聖賢垂濟之意警發人子之用  
心少謝母氏獨獲更生之幸云壬午上元  
日穎昌史源序

灼艾當識痛痒二證論

伍氏方論曰夫灸癰疽發背其灸法正在不  
痛者灸至痛痛者灸至不痛或有灸而痒  
者大抵初灸卽痛毒氣方聚漸次相攻作  
痛無疑皮肉旣傷又有灼艾時間或作痒  
令人抓其旁者又有初灸而不痛者毒氣

內陷病人昏倦惡腐結聚多壯不痛又云  
痒者灸至不痒痛者灸至不痛仍服追毒  
排膿次乃外傳消腫內外兼治又云癰疽  
不可不痛又不可太痛悶亂不知痛者爲  
難治

### 腦疽灸法

李氏云凡腦疽及項已上有癰疽癰毒斷不  
可用大蒜錢子就疽頂上灸之灸之則引  
其氣豈上痰涎膿血併起上攻傾人性命

急於反掌但當急灸足三里穴并氣海穴  
乃漸漸服涼胃鬲化血之藥人可小安此  
說載通神方論

足三里二穴在膝下三寸是穴可灸五壯  
氣海一穴在臍下壹寸是穴可灸二七壯  
或三七壯亦可以騎竹馬穴法灸之凡腦  
疽咽喉生疽古法皆不治之證用此灸法  
引毒氣歸下其理頗長得此疾者豈可坐  
以受斃當信而用之如五香連翹湯漏蘆

湯五香湯去大黃加人參黃耆犀角國老膏萬金散皆可選服

初發癰疽既灸之後首宜服藥以護藏

初腑

李氏云背疽之方所傳百餘然有驗可取者極少其間又有用藥偏重或太冷或太熱或藥性有毒者今皆不錄獨擇常用而經驗者錄之庶幾不至有誤活人治病之意

內托散

方見簡易方

乳香 沒藥 木香 沉香 丁香

杖半兩並 不見火 連翹 射干 升麻 黃耆

蘆花 木通 節 桑寄生 最能療此疾如無真者只倍用片麻代之

獨活 前胡 或三分今鋪家所賣者只是宿

妙真麝 研

右為麝末每服三錢重水壹盞煎至七分

去滓溫服銀器煎藥尤妙如無銀銚入銀

壹片良方如無銀銚用磁器同煎此是李

氏所擇其中無大黃疑似之間多服無妨

二日後與漏蘆湯相間服大便秘者加大黃三分

發背疽之人不得用生肌斂口燥急之藥只合用麥飯石膏塗積用疔膏藥貼之療口自然斂合如醫治後時或為庸醫用毒藥掩蓋或刀割傷肉血重者兼服此沉麝湯  
木香 小麝香 研 沉香 乳香 研 藿香 葉  
連翹  
右等分為細末每服二錢水壹盞煎至七

分溫服無時候 朱氏集驗方 澹寮方同

五香湯去人黃加人參黃耆犀角湯

木香 沉香 乳香 別丁香 各半 粉草

人參 各四錢 重去蘆 懸黃耆 壹兩 犀角 屑 錢 麝香

別研壹錢重

右為粗末每服四錢水二盞煎至壹盞去

滓溫服無時候

已上四方首宜相間多服藥性平和可謂穩重自有宣熱拔毒之意仍諸香散氣行



血免生變證若見發熱口燥欬熱赤腫大  
 府秘結宜服神仙追毒圓漏蘆湯第二十一  
四或孫真人單煮大黃溫儘不妨也若慮  
 太峻只服第五方漏蘆湯却與明了醫者  
 商議而投之如此則萬不失豈外有轉毒  
 散神仙截法併以錄之

漏蘆湯疽作後二日服此退毒下膿可與五  
 香連翹湯相間連日服之

生黃耆去又蘆 連翹 沉香 漏蘆有白茸者已上

各生粉草半兩 大黃壹兩

右為細末每服二錢煎姜棗湯調下

二方連日相間服乃宜毒之藥覺毒盡住

服雖有大黃用之少無妨

此壹方是宜熱拔毒之藥覺有熱毒之證

便宜服之熱退住服其中雖有大黃所用

極少服之無妨

次當便服已下活氣血療癰毒方

柞木飲子方見簡易方

阿膠飲子治壹切癰疽發背挾瘰癧癩疥癩癩

癩毒皆能療之  
子出火毒 粉草生到各 真橘紅

兩半

右咬咀分作三服每服以水壹椀煎至七

分椀夫滓候溫病在上食後服病在下空

腹服試之有效得效方經

牛膠飲直指方名明膠酒永 截癰疽惡瘡發

嶮處服之使毒氣不攻於內不傳惡證

牛皮膠通明好者淨洗乾研四兩為

右川酒壹椀直指方醇入膠內重湯煮令

膠溶透攪勻傾出更浸酒隨意飲盡若能

飲者以醉為度不能飲者亦用酒煎經方

酒煎四字却浸以白湯飲盡為佳此法

活人甚多方同

神仙黃絲元此藥不問老幼皆可服之服至

一兩以上無不作效最止疼痛不動臟腑活

人不可勝數委是神效急救仙方名黃蠟元

瘡皆效外科集驗

白礬壹兩要明亮好者研黃蠟半兩要黃

○集驗方生用為末開膏方用七錢○瘡瘻方集驗方

右方等分和元如梧桐子大每服十元漸

加至二十元熟木或溫酒送下仙方

每服十九至二十三九不如未破則內消

已破即便合方同如服金石發動致疾

更用白礬末壹兩匙頭以溫酒仙方調下

亦三五服見效有人遍身白瘡狀如蛇頭

服此亦效諸方俱稱奇効但壹日之中服

近百粒則方有力此藥能防毒氣內攻蓋

能護膜也切不可欺其淺近余始終服半

斤瘡愈後服之尤佳壹方治蛇咬只溶化

白礬乘熱滴傷處痛即止毒氣即趁出立

見效驗要知白礬大能解毒也○仙方黃

蠟須是山蠟色黃者為佳不動臟腑止疼

痛不問老少虛弱皆可服之大能護膜救

心防熱毒內攻令人危困妙難盡述

國老膏治壹切癰疽諸發朱氏集驗方作欲發預期服之能消腫逐毒使毒氣不內攻功效不可具述

大橫紋粉草二斤

右槌令碎河水浸壹宿揉令漿汁濃去盡

筋滓再用密絹濾過銀石器內慢火熬成

膏以磁罐收之每服壹二匙無灰酒浸起

或白湯亦可會服燥藥丹劑亦解之或微

利無妨澹寮方同

忍冬酒方治癰疽發背初發時便當服此不問疽發何處發眉發頤或頭或項或背或腰或脇或婦人乳癰或在手足服之皆有奇効如或於鄉落之間僻陋之所城市藥肆又遠或居貧乏之中無得藥材但虔心服此亦能取効仍兼以麥飯石膏及神異膏塗傳其効甚奇

忍冬藤

生取壹把以葉入沙盆內爛研入餅子酒少許生餅酒尤佳調和稀

稠得所準付四圍中心大留膏口洩其毒氣其藤只用五兩用木槌微微槌損不可

何鐵○濟寮方王氏大甘草節壹兩生

集驗方仍用其藤葉右二味入沙瓶內以水二盃用文武火慢

其慢煎至膏如入無灰好酒壹大盃再煎十

煎數沸去滓分爲三次溫服一日壹夜連進

煎喫盡如病勢重壹日壹夜要兩劑服至大

小腸通利則藥力到沉內翰云如無生者

只用葶者終不及生者力大而効速得効方經

此藤凌冬不凋故名忍冬草其藤左

繞附樹延蔓或在園圃墻籬之上藤方而

紫葉似薜荔而青故又名左纏藤二月開

花五出微香帶帶紅色花初開則色白經

壹二日則色黃故又名之金銀花又名鷺

鷺藤又名金釵股又名老翁須在處有之

濼寮方王氏集驗方此藥嫩藤紫而葉青

比之薜荔而葉大比之木饅頭藤而葉小

凌冬不凋故名忍冬藤附籬憑樹則延蔓

左轉又名左纏藤二月花初開則色白三

五日後轉黃色壹叢之間黃白相間壹名

金銀花其花中有白鬚數莖長出又名老

翁鬚藤其長鬚又似鷺鳥之項上垂羽壹

治五而本草中不言善治癰疽發背而近  
 代名人用之奇効其功尤勝於紅內消如  
 洪內翰邁沉內翰存中良方中所載甚詳  
 如瘍醫丹陽僧江西僧鑒清金陵王醫琪  
 王淵子杜醫王尉子海州劉秀才純已上所  
 載療癰疽發背經効奇方皆是此物朱氏集驗  
 方如張泳相公表云食石飲冰可作充腸  
 之饌餌松食柏亦成救病之方是以療飢  
 者不在於珍羞愈病者何煩於異術儻獲

濟時之藥輒陳鄙物之形不恥管窺輒干  
 天聽云云不費登高歷險每常求少獲多  
 急採非難廣收甚易儻勤久服旋見神功  
 誰知至賤之中乃有殊常之効云云此之  
 類也此藥大治五種飛尸

忍冬草



聖濟總錄治癰疽發腦發背腫焮寒熱疼

痛忍冬飲方忍冬嫩苗壹握葉尖圓蔓生莖葉皆有毛

生田野籬落間多有之兩葉對生春夏新葉稍尖而色嫩綠柔薄秋冬即堅厚色深

而圓得霜則葉卷而色紫經冬不凋四月開花極芬芳香數步初開色白則數月變

黃每枝黃白相雜故壹名金銀花花開曳葉數莖如絲故壹名老翁須壹名金釵股

冬間葉厚似薜荔故名大薜荔可移植庭檻間以備急花氣可愛似未刊瑞香輩

甘草牛兩生剉右二味爛研忍冬同甘草入酒

壹升半沙餅中塞口煮兩食頃溫服壹日

服盡若倉卒求不獲只用乾葉為散每服

三方寸七甘草方寸七酒煮服之亦可但不及生者耳

紅內消示經鈞方云每用不限多少納瓷甌

中入水用文武火鈞方濃煎臨熟入好無

灰酒與藥汁相半再煎數十沸去滓時時

服之留滓焙乾為細末酒煮麵糊丸如梧

桐子大空心溫酒吞下三十九為疾退常

服之藥蓋力輕故也藥產建昌者良鈞方

痘毒瘡可配忍冬元

馬益卿先生癰序論

夫人有四肢五藏壹覺壹寐呼吸吐納精氣往來流而為榮衛暢而為氣色發而為聲音陽用其形陰用其精此入常數之所同也至其失也蒸則生熱否則生寒結而為瘤贅陷而為癰疽凝而為瘡癰憤則結癭怒則結疽又五藏不和則九竅不通六氣不和則留結為癰皆經絡澁滯氣血不流暢風毒乘之而致然也



癰疽敘論

癰疽癩瘰不問虛實寒熱皆由氣鬱而成經亦云氣宿於經絡與血俱澁而不行壅結爲癰不言熱之所作而後癰者此乃因喜怒憂思有所鬱而成也此屬內因又論云有熱被風冷搏之而脉凝泣不行熱氣壅結而成亦有陰虛陽氣襲湊寒化爲熱熱成則肉腐爲膿者此屬外因寒熱風濕所傷而成也又服丹石及炙燂酒麪溫床厚被所致或盡力房

室精虛氣節所致者此屬不內外因所傷而成也又論云癰者節也癰者壅也疽者沮也如是但陰陽不平有所壅節皆成癰疽又曰陰滯於陽則發癰陽滯於陰則發疽而此二毒發無定處常以脉別之浮洪滑數則爲陽微沉緩濇則爲陰陰則熱治陽則冷治治之之要雖有四節八事所謂初覺則宜熱拔毒已潰則排膿止痛膿盡則消肌內塞惡肉盡則長肌傅痂次序固明若不別其所因施治

亦昧故法中有用遠志宜熱者得非內因乎  
經云諸痛痒瘡皆屬於心又云心氣不通則生癰瘍詳之遠志通行心氣之藥藥之管見未季  
至於因內則用大黃不內外因則用甘  
昔世醫但泥方書多用五香連翹與漏蘆二  
溫更不究三因所自其可守壹法而普攻之  
既得其因又須觀病淺深與證候吉凶寒則  
溫之熱則清之虛則補之實則瀉之導之以  
針石灼之以艾炷破毒潰堅以平爲期各有  
成法

讀素問良用備要論

素問云陽氣湊襲寒化爲熱熱盛則肉腐爲  
膿凡發背皆因服五石散寒食更生散亦有  
單服鍾乳而發者又有生平不服而發由上  
代服五石之類其候多於兩背胛起如黍粟  
或痛或痒仍作赤色人皆不以爲事日漸開  
大不過十日遂致不救臨困之時外大如錢  
內大如拳古人云外面如麻裏面如瓜瘡有數十孔以手  
按之諸孔皆出膿尋時失瘡凡背上痛痒有

異可用淨土和水為泥捏作餅樣厚一分闊三分以艾炷灸不限壯數仍服五香連翹湯及鐵漿攻之醋調蚌殼灰塗之更以騎竹馬法灸之其良出五起予方

讀千金良用備要論

千金云癰疽始作或如小癩或復大痛或小痛或發白米粒就中使出膿宜謹防察見有少異即須大警宜急療之及斷口味速須利去惡毒即宜用騎竹馬灸法灸之或只就上

灼艾重者四面中央揔灸壹二百壯更貼冷藥其效速焉伍氏

續家傳別脉辨證論

伍氏論曰癰疽之疾有二十餘證燦發痲發石發巖發蜂窠發蓮子發椒眼發連珠發竟體發有腸癰內發腦發背發眉發顙領發肺癰腎癰妳癰臍癰臀發腿發外有手發足發穿當發鬚癰瓜瓠發大率隨病淺深分證內外便行施治不可遲緩毋致孔洪方為妙手

凡癰疽始作便有發熱惡寒或有痛處脈浮而緊是欲爲癰疽非傷寒之候也

### 癰疽證治

陳無擇云病者脈數身無熱反洒淅惡寒若有痛處背發其癰腫欲知有膿無膿以手掩上若熱者爲膿不熱者爲無膿此亦大略說也若脈不數不熱而疼有蓋發于陰也不疼尤是惡證不可不知凡熱盛脈數卽用漏蘆并單煮人黃等湯不甚熱脈緩弱只投五香

連翹湯其它依四節八事次序更推三因以用其藥未有不全濟也

### 治癰疽用藥大綱

李氏云前方所著靡不周備但欲使用藥者不可不知之爾然人能逐壹玩味猥說深思用藥之意臨時看其病證次第用藥無有不效近時有親舊得此病爲愚醫所惑或用君臣藥或用草藥其疾益甚痛楚日增然後回心杜絕衆醫只用愚方問蒙下問但指示三

五方與之服餌無有不安者今略書用藥要領與夫先後之序畫壹于后

一初覺得背疽之疾使合服內托散又名乳香萬金散

後來方免變證口舌無瘡此藥但可服十數服而止便以騎竹馬灸法之灸或用蒜灸法灸之亦可

壹卽合繼服五香連翹湯此藥如大便寬快內熱既退卽合住服若壹二日之後大便再秘須合再服要取利毒氣至盡然後住

服亦合看病人虛實量其輕重而進藥

壹疽破後多服洪氏排膿內補散若無嘔逆之證用酒調下有嘔逆之證只用木香湯調此壹藥若癰疽破後當終始服餌不可輟陳無擇云當在第四節用言之甚當

壹癰疽初作之時便要著艾既灸之後便宜用麥飯石膏四圍塗傅以護其根脚不可使開中心却要留癰口如錢大使毒氣出如癰漸小隨其大小傅之直候疽破膿潰

之後口收只有徑寸許却用神異膏貼傅却住用麥飯石膏

壹癰疽纔破有口便合用猪蹄湯洗其初連日洗五日後間日洗欲安之際三日壹洗壹癰疽既破膿血潰多五七日後方可用神異膏貼若根脚小五日後貼如闊大須七日十日後可貼傅

壹癰口將收之際最忌用急澁歛口之藥只宜用神異膏貼其詳已載飲食居處戒忌

篇多見昧者破此壹段不過病者厭於將理醫者急欲獲利不思毒氣發泄未盡其疾再來人命自此不救更將論醫者貪利更易前方篇所論深思熟慮以人命為重陰功厚利壹舉兩全豈不美哉

壹疽疾將安之際宜多服加味十全湯以補其氣血庶使肌肉易生故也

壹前後病背疽之人多是先發渴而後背疽作或有背疽安而後發渴致因此不救者

甚多若有渴疾之人宜專服加減八味圓  
方見後能使渴疾安疝疾不作若驟得背疽  
 之疾既安之後不問有無渴證便宜常服  
 加減八味元此藥非特可以杜絕渴疾之  
 將來亦且大能滋益氣血生長肌肉使精  
 神強健此乃累試之驗忍冬元亦妙  
又名鷺鷥藤

壹前方須是居於州縣及有力之家方能及  
 之若居僻鄉及無力之人只可用鷺鷥藤

酒壹名忍冬草壹方終始服餌俟其疽破卽以

神異膏貼之然神異膏所用藥材皆非貴  
 細難得之藥前後用此以醫田夫野老百  
 發百中

壹嘔逆有二證壹證謂初發時不曾服內托

散又名萬全散伏熱在心壹證有氣虛脾氣不

正而嘔當予細審察病證參酌用藥若是  
 因熱而嘔者外變心煩身熱癱作痛此卽  
 是伏熱在心合將內托散服三兩服卽止

不可多服若是氣虛而嘔其證心不煩熱  
遇早便嘔或聞穢氣而嘔早晨宜服嘉禾  
散如有寒熱宜服家傳不換金正氣散仍  
五更初兼服山藥元以補腎

### 論嘔逆證

李氏方論背疽嘔逆乃是毒氣衝心非脾胃  
之冷當服內托散楊氏家藏方云有人因鼻  
衄初愈不曾表汗餘毒在經絡背發大疽自  
肩下連腰脇肺其堅如石色極紫黑醫以涼

藥服之中夜大嘔乃連進此藥三四服嘔遂  
止既而瘡潰出赤水淋漓四十日而愈又有  
患癰瘰者痛過輒嘔服此藥嘔亦止近見有  
人病疽醫者不肯用此藥以爲恐傷脾胃愚  
故引楊氏之言以解世人之惑

### 論癰疽其源

夫癰疽之源多因於氣或云因於熱以僕之  
管見雖是因於氣因於熱然多因食物積毒  
而得之或問云何以見之是毒按素問云癰



疽多生於膏粱之人夫膏粱之人水陸之味俱收菹蓄房勞太過便服補藥或服乳石或餌丹砂殊不知五臟六腑皆被熱毒之氣日夕熏煮致令肉腐血化爲膿近代方論但略云宣熱拔毒皆無明文僕觀古賢所用之藥却合其理如用綠豆粉犀角礬石國老膏追毒丸皆是解毒之劑如此則云毒之壹字明矣僕於是徧尋方論只有華佗中藏經所言是毒今人不復知之併錄于后庶使後人服

宣熱拔毒之藥不必疑矣

華佗論癰瘡

夫癰疽瘡腫之作皆五臟六腑蓄毒不流則皆有矣非獨因榮衛壅塞而發者也其行也有處其主也有歸假令發於喉舌者心之毒發於皮毛者肺之毒發於肌肉者脾之毒發於骨髓者腎之毒發於下者陰中之毒發於上者陽中之毒發於外者六腑之毒發於內者五藏之毒故內曰壞外曰潰上曰從下

曰逆發於上者得之速發於下者得之緩感於六腑則易治感於五藏則難瘳也又近骨者多冷近虛者多熱近骨者久不愈則化成血蟲近虛者久不愈則傳氣成漏成蟲則多痒少痛或先痒後痛生漏則多痛少痒或不疼不痒內虛外實者多痛少痒血不止則多死膿疾潰則多生或吐逆無度飲食不時皆癰疽之使然種候萬端要在憑詳治療之法列在後篇

論背疽其源有五

天行壹 瘦弱氣滯二 怒氣三 腎氣虛四 飲法酒食炙博物服丹藥熱毒五 蓋治背疽不可壹槩將爲熱毒其治之難易當自壹而至五

癰疽發背分表裏證論

伍氏方論曰癰疽發背者五藏六腑不調所生也五藏主裏氣行經絡而沉六腑主表氣行經絡而浮二者皆因喜怒不測飲食不節

陰陽不調則藏腑不和榮衛虛腠理開寒氣  
客於經絡之間經絡爲寒所折則榮衛稽留  
於脉又曰榮者血也衛者氣也榮而受寒則  
澁而不行衛氣從之與寒相搏壅遏不通又  
曰氣者陽也陽氣滯積則生熱寒熱不散故  
積成癰膿又曰肺氣浮行於表故癰腫浮高  
易治藏而沉寒主裏故疽腫平陷狀如牛頸  
之皮因而內蝕傷骨爛筋爲難治又曰人五  
藏六腑俞穴皆在背上凡作疾證易傷藏膜

多致壞病又曰人多服丹石及鍾乳更生散  
及炙燂酒麵温床厚被并盡力房勞精虛氣  
耗至中年有消渴消中消腎之病多發癰疽  
所以然者體虛熱而榮衛否澁故也又曰癰  
者節也癰者壅也疽者沮也壹寸至二寸爲  
癰二寸至五寸爲癰五寸至壹尺爲疽壹尺  
至二尺爲竟體疽大抵癰疽脉洪數甚者難  
治脉微澁者易愈治法初覺便宜熱拔毒已  
潰則排膿止痛膿盡則長肌傅痂次序施治

切不可拘膏法酌量輕重形證逆順寒則溫之熱則清之虛則補之實則瀉之導之以針石灼之以艾炷破毒攻堅以平爲期此謂至論

察疽發有內外之別

李氏云初發疽時壹粒如麻豆大身體便發熱生疔處肉亦熱腫大而高多生疼痛破後肉色紅紫此爲外發雖大若盆盥如用藥有理百人百可活如初發疽時不拘大小身體

無執自覺倦怠生疽處亦不熱數日之間漸漸開大不腫不高不疼不痛低陷而壞爛破後肉紫色黑此爲內發有此證者未發見之先藏腑已潰爛百人百不救雖有神仙之藥亦付之無可奈何

辨癰疽發背陰陽淺深緩急治法

曾氏云凡癰疽初發至微者切不可欺若初發腫髁便高者勢雖急而毒氣却淺蓋散越於表此乃六腑不和爲癰其證屬陽雖急而

易療若初發至微如粟粒甚則如豆許與肉俱平或作赤色時覺痒痛痒時慎勿抓破其證乃五藏不調爲疔屬陰蓋毒氣內蓄已深勢雖緩而難治故人初不以爲事至於禍至而不自覺况感此疾者神守不定安能自察其受病有陰陽淺深緩急之別全籍醫者精察隨證治之毫釐不差則疾無不愈儻不分別膏例投藥以幸其中鮮有不致危殆者况陰陽顯晦似是而非雖緩而急雖急而緩苟

不加察死生分焉凡癰疽之候先須明辨陰陽之證更當診其脉與外證以爲權衡若加精審治療對病則舉獲萬全之効診其脉浮數而洪緊者其瘡腫譽作常身熱煩渴飲食知味此乃六府不和大則爲癰小則爲癤其勢雖急投以涼劑亦多全活若診其脉沉細而伏或沉緊而數初發之瘡甚微或無瘡頭身不發熱而內躁體重煩疼情緒不樂胃膈痞悶食不知味或惡聞食氣此五藏不調爲

疽屬陰蓋癰癤則屬腑故發之浮而淺其勢雖急而緩疽則屬藏毒氣內蓄之深勢雖緩而反急二證皆榮而不調逆於肉理肉腐爲膿非謂陽證治之以冷陰證治之以熱但別其癰癤則屬六腑發於外而爲陽疽則屬五藏蓄於裏發之深而爲陰也經云陽行也速陰行也緩陽之體輕陰之體重故癰證雖急而淺疽證雖緩而深故淺者易愈深者難療癰則浮而易識疽則深而難辯辯之早治之

速無變惡證則爲盡善急投五香連翹湯甚奇轉毒散及神仙截法更多服真礬丸國老膏防托毒氣免致內攻余遍搜百家之論皆宜當頭扇蒜及泥餅灸之大小多寡並依集內之法灸罷仍服諸防托等藥治之貴早治瘡遲則難保其全活况嬰斯疾者舉世皆云難療方書亦不詳究故疾纔覺諱而且懼自然心驚神怖志守不定遂使毒氣乘虛內攻變證百出擾擾萬緒甘心自棄輕委庸人束

手待斃曾不若下俚之人籠衣糲食耐病忍痛無力命醫殊無驚擾雖不急治却多全活盖心志內定精神不散飲食如常毒不內攻其瘡已潰不妄針藥自不害人此又有賢愚貴賤之別也今之名外科者多是膠柱不善變通立性麓率惟以針刀爲快始用毒藥塗搽其外內施冷藥以虛其胃外以塗藥閉塞毛竅致使毒氣無從所出內外交攻血氣溷亂則正氣愈虧邪氣滋盛其瘡腫舉根脚散

開而患者疼痛昏迷恣其所措毒勢爛漫却云痛者易療操心剛狠輕視人命以規微利却以軟言慰諭病者殊不與念人之痛楚頃刻難堪反以毒藥麻癡好肉務施刀剪云去蠹肉如此爲鑿與屠創何異哉言至於此惻然寒心故善惡之論全在醫之工拙所致故愚不得不辯明之如煩躁時嗽腹痛渴甚泄利無度小便如淋壹惡也膿血大泄炊痛尤盛膿色敗臭不可近之二惡也喘麤短氣恍

惚嗜臥三惡也木潰先黑久陷面唇青黯便  
汚者四惡也肩項不便四肢沉重五惡也不  
能下食服藥而嘔食不知味六惡也聲嘶色  
脫唇鼻青黑面目四肢浮腫七惡也更有氣  
噫痞寒咳逆身冷自汗無時瞪目耳聾恍惚  
驚悸語言顛錯是皆惡證也所謂五善者動  
息自寧飲食知味壹善也便利調勻二善也  
膿潰腫消色鮮不臭三善也神彩精明語聲  
清明四善也體氣和平五善也五善見三則

善七惡見四必危若五善併至則善無以加  
七惡駢臻則惡之劇矣故善治斯疾者乘其  
勢淺毒不內攻善證具備若其勢既盛則謹  
於防托庶不內攻苟不善治失於防托則毒  
氣深攻其七惡之證則隨卽而至矣惡證旣  
備百家方論皆莫能救惟有驕竹馬法灸之  
可以奪人之危於將死之際余躬試其驗醫  
露所得奚敢有壹毫之隱耶如癰疽發背等  
瘡治法大略相似但要精加審度療之於未



危之先庶收萬全之效勿以勢緩而忽視勿以勢急而愴惶莫而後發萬舉萬全若其勢既見不同其他便用鬲蒜灸之使毒發越於外則不致內攻殺人之速也其患處當頭得灸便成瘡口良艾火既透則瘡口滋潤或出惡水痛勢亦定兼服五香連翹湯縱使未能頓減其勢亦少緩矣更以騎竹馬法灸之則隨即見效若得疾已過七日則不須用蒜灸無益矣只用騎竹馬法灸之仍服五香連

翹湯甚則轉毒散立見功效此所謂要識輕重緩急也儻疾勢之驟須急以灸火當頭引泄使不內攻非灸法別無良策灸火之後疾勢既定有少艾火流行初不爲害但服托裏散國老膏黃礬元自然安妥但依將理法愛護自無他虞

經云諸痛痒瘡皆屬於心心君也猶家主焉疾如兇人然家主衰則兇人得以肆其暴聞是疾者尚且驚懼况身履其危安得

不動心哉心君不動邪氣莫能干犯如主  
正於兇人豈能自恣明理之士觀此毋以  
爲言之贅焉

論善惡形證

問曰五善七惡可得聞乎答曰食飲如常一  
善也實熱而大小便澁二善也內外病相應  
三善也肌肉好惡分明四善也用藥如所料  
五善也渴發而喘精明眼角向鼻大小便反  
滑壹惡也氣絛絛而脉濡與病相反二惡也

目中不了了精明陷三惡也未潰肉黑而陷  
四惡也已潰青黑腐筋骨黑五惡也發痰六  
惡也發吐七惡也

論生死形證

問曰病有至甚而生有微而至死病證難辨  
死生何從決乎答曰發背透膜者死不治此  
肝俞未潰肉陷而青唇黑便汚者死此言壞  
痰潰喉者不治陰入腹者不治入囊者死  
深及數者不治謂如及寸餘者在頤後壹寸三分毒

銳者不治無此者生流注雖多療之必愈

形證逆順務在先知論

夫癰疽破潰之後其形候有逆有順眼白睛黑而眼小壹惡也不能下食納藥而嘔食不知味二惡也傷痛渴甚三惡也膊項中不便四肢沉重四惡也聲嘶色脫唇鼻青黑面目四肢浮腫五惡也煩躁時嗽腹痛渴甚泄利無度小便如淋六惡也膿血大澁焮痛尤盛膿色敗臭不可近之七惡也喘麓短氣恍惚

嗜臥八惡也未潰先黑久陷面青唇黯便汚者九惡也更有氣噫痞塞咳嗽身冷自汗無時瞪目耳聾恍惚驚悸語言顛錯皆是惡證所謂五善者動息自寧飲食知味壹善也便利調勻二善也神彩精明語聲清朗三善也膿潰腫消色鮮不臭四善也體氣和平五善也也五善見三則吉諸惡見四必危若五善併至則善無以加七惡併臻則惡之劇矣又有疽發所在有不可治者何腦上諸陽所會穴

則髓出頸項上近咽喉藥餌飲食之所通豈有所礙兩不能進腎俞上與腎相抵命之所繫穴即透空又不可著艾三處有疽並為難

治此論見李氏伍氏方

審內證用藥附

自瀉嘔吐不進飲食診之而腎脉最虛此等古人皆以為不治之疾然尚有救療之理

發背得體治貴在早論

伍氏方論曰夫癰發背者皮薄腫高多有椒

眼數十粒疽發背者皮膚頑硬狀如牛頸之皮二證皆宜灼艾癰成膿則宜針其鐵宜用馬銜鐵為之形如薤葉揀兩面皆利可以橫直裂開五六分許取去毒血覺病便輕須先灸而後裂可服神仙追毒丸利去毒根次服排膿托裏藥調治疽成膿則宜烙可用銀篦大二寸長六寸火上燒令赤急手熨烙毒上得膿利為效亦服神仙追毒丸排膿托裏藥調治大抵癰疽壹科尤難於諸科所謂菩薩

心創子手是也得非心傳契妙莫能臻此

瘡出未辨津潤墨圍論

伍氏方論曰夫覺背上兩胛間赤痒腫痛或有白粒且以津唾時潤令濕切勿抓破緣毒勢浮沉未定大抵在背微有赤點或因爪破而作或因入浴揩破犯水脉而作或因飲酒膾炙而作初未辨證且以津潤墨圍漸覺勢盛以墨重圍圍了又腫赤便就圍處中央著灸不可詳緩人多以火熱過疑臨急用尊崇

此說

看驗赤色重灸防蔓論

伍氏方論曰凡瘡腫以手指從瘡旁按至四畔上赤黑者按之色不變膿已結成又按之隨手赤色此亦有膿按之白良久方赤遊毒已息可就赤白色盡處灸斷瘡肉平實久而赤腫自消凡癰疽按之牢韌未有膿也按之半軟半韌已有膿也又以手掩腫上不熱者爲無膿若熱甚者爲有膿凡覺有膿宜急破

之

論瘡口冷滯難合

治癰久而瘡口不合其肉白而膿血少此為瘡口冷滯乃病人氣血枯竭不潮於瘡遂致如是合用北艾葉一把入瓦器內膿煎湯避風處乘熱用艾湯澆洗瘡口四圍淨肉以絹帛兜艾葉乘熱澆沃一日一次洗了須避風仍燒松香以煙熏瘡口良久用神異膏貼之其瘡不可與厭穢之人見若不能禁忌瘡口

難安藥亦無效

治背疽糝藥方

事證附

李氏云龍遊有患背疽已潰如椀面大視五藏僅隔膜耳自謂必死有用大鯽魚壹枚去腸藏以羯羊糞實其中烘焙焦黑極乾燥為細末乾糝之瘡口遂收至今無恙此出洪氏方屢用有效故附于此須候膿少欲生肌肉時用之

用藥溫涼須防秘泄論

伍氏方論曰凡瘡家皆用宣利去其毒根蕩滌陳莖假如神仙追毒元六味車螯散五香連翹湯千金漏蘆湯用藥無過此法更當詳辨稟賦強弱臨時加減大抵治瘡要法須是藏腑堅而不秘通而不泄則真氣不耗邪無所留如治祕結神功麻仁元最妙謂如老人腸胃虛津液耗便秘不利精神昏濁服之必安可以類推凡瘡潰之後尙覺虛熱可與五香湯內加犀角末黃芩人參之類如大便秘

小便赤可與五香湯加大黃朴消

大抵癰疽不可捨五香湯假如治瘡溫藥必用桂以通血脈理踈不足宜導百藥冷藥必用地黃補五藏內傷不足通血脈益氣力填骨髓長肌肉作湯除熱近行萬全散一片又散內托用乳香菜豆粉二味乳香消諸癰毒腫菜豆壓熱下氣消腫解乳石服至一兩則香透徹瘡孔中出二味真良藥也

視生白痴切護勿觸論

伍氏方論曰夫癰破潰之後敗肉漸去新肉漸生日見堆阜方成白膜新血滋養平復無疑大率瘡口未可速合日用猪蹄湯洗去惡濁外傅生肌膏神異膏藥封令毒膿出盡可用聖効散合瘡然瘡已向安更加調護切勿輕觸或有便恃向安恣情觸犯喜怒不測飲食倍傷強房勞瘡能復作尤難治療諸證蜂起多有不救更宜謹護爲妙

體察病人勤心愛護論

伍氏方論曰凡癰瘡證病人常自體察凡瘡初作先以墨圍却視浮沉聚散膿出視其多少肉生視其闊狹皆頻體察以爲喜懼飲食視其美惡臟腑防其秘泄扶持欲其安便瘡口防其奢裂病軀且忍恚怒用勤補助湯藥更自安心令壹念堅正雖愚必明旣獲更生當懷畏謹

古人用香調治有理論

伍氏方論曰夫氣血聞香則行聞臭則逆大



抵瘡多因榮氣不從逆於肉理鬱聚爲膿消  
得香味血行氣通必無凝滯多服五香連翹  
湯萬全散秘傳金粉散凡瘡家本自腥穢又  
加臭惡因而相觸反成大患毒氣入胃令人  
咳逆古人用香可謂有理且如飲食之中調  
令香美益其脾胃養其真元可保無虞

論醫者貪利更易前方

李氏云嘗見世間醫者存心不良每有膏妙  
方秘而不傳或見流傳經驗之方復多毀訾

惑人莫用所謂技在羿則羿重此謀利嗜賄  
之常愚所集驗之方鄉里親朋得此疾者其  
始爲醫者所惑遲肆不用歷試他藥其疾愈  
甚旣而技窮病者却來下問愚囑其專用此  
方數日後可收効已而果如其言中或信之  
不篤改弦更張病勢隨變使之復尋舊轍盡  
得安痊則知已効之方誠不可易然愚旣不  
躡其後與之辨論又不能家置壹喙以自曉  
故寄之聲畫以見其意質諸古今以解其惑

有如古之呂西華秘傳麥飯石膏方以外舅之親計其不可得裴負外昭之以名第河南尹脅之以重刑呂寧絕榮望守死不傳君子責之以存心隘尚在可恕之域因舉近世醫者每見已試之効驗名方設爲譎詐之術使人勿復用之其罪莫贖歲在淳熙丙申仲夏有趙公宣教字季修來宰龍泉速於赴官單騎兼程到此未幾鼻衄忽然大作日出血數升時家兄通直與之遊教以服藕汁地黃膏

方趙云某得疾有由往年因赴銓曹注擬其日暴熱自省前至書鋪急走數回心緒不寧感熱而驟得之尋叩臨安壹名醫服藥遂痊謝以錢五萬臨分袂醫者再三囑云恐他時疾作萬勿輕信醫者服生地黃藕汁之藥冰冷脾胃無復可療必欲別求妙劑半月間易數醫無効家兄遂自製藕汁地黃膏勿言所用藥味以贈趙公服之三日疾愈趙問蒙惠藥如是之靈驗與向來臨安所服之藥氣味

相似得非方同乎家兄對曰卽前所獻之方也趙公驚嘆曰始覺醫者謫謀以誤我早信此方不受苦許久再三稱謝以愚前所集方如治因熱毒衝心而嘔用內托散又名萬因全散脾胃虛弱而嘔用嘉禾散各有證候治疽瘡之靈驗有麥飯石膏治渴疾之神効有加減八味元此四方屢爲醫者眩惑使人勿用深憫其病者之受害今又舉趙公之事爲證表而出之故不憚其繁贅也

神仙追毒圓 又名聖授丹又名神仙解毒萬病元能解壹切毒如被狐狸毒鼠莽毒惡菌河鮑毒食疫死牛馬肉毒或蛇犬惡蟲所傷又治癰疽發背及療魚臍瘡人多不識喚作癰疽致命殺人者治諸風癰癤赤腫瘤等

文蛤 一名五倍子搥破山茨菰 去皮淨焙

千金子 壹名續隨子去殼研紅牙大戟 去

洗淨焙乾麝香 三錢別

右除千金干麝香外三味爲細末却入研

藥令勻用糯米煮農飲為丸澹寮方分為  
 四十粒每服壹丸研生薑薄荷汁并華水  
 研服乾薄荷濃煎湯冷磨服亦佳通利壹  
 兩行無妨只用溫白粥止住合時宜用端  
 午七夕重陽日合或遇天德月德日亦佳  
 合時要在淨室焚香至誠修製母令婦人  
 雞犬見效驗不可具述宜珍藏之喻良能  
 云葛丞相傳此以為濟世衛生之寶凡人  
 居家或出入不可無此藥如毒藥最多若

游宦嶺表纔覺意思不快使服之即安二  
 廣山谷間有草曰胡蔓草又名斷腸草若  
 以蠶人急水吞之急死緩水吞之緩死又  
 曰毒蛇殺之以草覆上以水灌之數日菌  
 生其上取為末調酒以毒人始以無患再  
 飲酒即毒發立死其俗淫婦人多自配合  
 北人與之情相好多不肯逐北人回陰以  
 藥置食中比還即戒之日子夏來若從其  
 言即復以藥解之若過期不往必死矣名

日定年藥北人屆彼亦宜誌之若覺中毒  
四大不調即便服之或於雞豚魚羊鵝鴨  
等肉內下藥再食此物即觸發其毒急服  
此藥壹粒或吐或下隨手使差昔有壹女  
于久年病勞瘵命在且夕為血尸蟲所噬  
磨壹粒服之壹時間吐下小蟲十餘條大  
者正為兩段後更服蘇合香元半月遂愈  
別具湯使于後茵蕈菰子金石也此毒喫疫  
死牛馬肉河豚魚毒時行瘟疫山嵐瘴氣

急喉閉喉纏喉風脾病黃腫赤眼瘡癩衝  
胃寒暑熱毒上攻自縊溺水打折傷死但  
心頭微暖未隔宿者已上並用生薑蜜水  
磨壹粒灌之須臾復甦癰疽發背未破魚  
臍瘡諸般惡瘡腫毒湯火所傷百虫犬鼠  
蛇傷已上並用東流水磨塗并服壹粒良  
久覺痒立消打撲顛損傷折炒松節酒磨  
下半粒仍以東流水磨塗男子婦人顛邪  
鬼氣鬼胎煖酒磨下壹丸可分作兩服有

毒即吐下自止

轉毒散

方見三因方但稍緩者只服五香連翹湯若急切急服神仙截法

孫真人單煮大黃湯

方見三因方

神仙截法

方見直指方

秘傳連翹湯

連翹 升麻

朴硝 各壹兩別研

玄參 木芍藥

白飲 防己

射干 各八分

大黃 三錢 甘草

炙半兩

杏仁

八十介去皮尖麩炒黃別研

右除杏仁朴硝外為粗末却入杏仁朴硝

末令勻每服三錢水壹盞二分煎至八分

去滓空心服利下惡物為効

五香連翹湯

方見千金方

五香連翹湯凡壹切惡核瘰癧癰疽惡瘡腦

背等或灸後更服亦妙

青木香

三分

雞舌香

去頂青分

桑寄生

二分

沉香

木通

生黃耆

大黃

各壹兩酒浸煨麝老人虛人加減

香二錢

乳香

藿香

川升麻

連翹 各半兩

右為細末每服四錢水壹大盞煎至七分

任性服略疎通或即取下惡物然後服內  
托散之類則毒勢易散不為深害亦有隨  
便消散者此藥早服為佳

漏蘆湯 方見干金方

千金漏蘆湯

漏蘆 連翹 黃芩 白欽 枳殼 去穢炒

川升麻 粉草 炙麻黃 去根節各壹兩 大黃 壹兩半濕

紙朴消 別研 煨兩

右除消外並為細末每服二錢水壹盞薑

三片薄荷三葉煎至七分空心溫服利下  
惡物為妙

六味車螯散

車螯 四箇黃泥固濟火煨通赤出火毒壹宿研為末 瓜萸 壹箇去皮用仁

新瓦上炒令香 燈心 三十莖 甘草節 二錢重炒

右將瓜萸燈心甘草節為粗末只作壹服

用酒二盞煎耗半椀去滓入蜜壹大匙和

勻每用酒八分盞車螯末二錢膩粉少許

調勻空心溫服取下惡物黃涎為效 澹寮方同

已上諸方通行宣利拔毒之藥可斟酌量  
輕重選而用之萬不失一

止痛靈寶散

鬼繫腰生竹籬陰濕石岸絡石而生者好

形生三角用藤葉壹兩細兩葉相對

洗淨曬乾不可見火皂角刺壹兩剉新

甘草節兩瓜蒌大者壹箇取仁明乳香三

重別沒藥三錢別研

右除乳香沒藥外為麤末入乳香沒藥和  
令勻每服二錢水壹盞酒半盞慢火煎至

壹盞去滓通口服無時候

乳香萬全散只是內托散

神祕陷脉散

黃耆並去人參並去川當歸酒先川芎赤

芍藥粉草地骨皮五加皮忍冬

葉橘紅各壹兩乳香並別研沒藥各半兩

右為粗末每服三大錢水一盞酒半盞煎

至一盞去滓溫服無時候

神功麻仁圓



麻仁大段研 川大黃三兩 紙裏煨 人參三分 去蘆 訶

子壹兩 煨取肉

右除麻仁外為細末和麻仁令勻煉蜜丸如梧桐子大每服三十丸熟水任下食前臨卧時服

清心內固金粉散又名金花散

辰砂別研 白茯苓去人參 綠豆粉四分

研雄黃壹分 甘草三分 朴消半兩 白豆豉仁

半兩 腦子 麝香並研各壹分

右以參苓白豆豉為末入研藥令勻每服壹錢半蜜湯調下無時候

清膈竹葉湯

生地黃洗焙 黃芩去心 芍藥 人參去蘆 知母

粉草炙 白茯苓去皮各二兩 川升麻 黃耆蜜炙

瓜萸根 麥門冬去心各三兩

右為細末每服二錢濃煎竹葉湯一盞內棗一介去核再煎至八分無時溫服

已上六方治癰疽熱盛欬腫作渴疼痛

洗藥猪蹄湯

猪蹄湯治壹切癰疽腫壞永頰鈴消毒氣去

惡肉凡瘡有口便要此湯洗濯

香白芷不見火切生甘草 老羌活 露蜂房

取有蜂黃芩去心赤芍藥去皮川當歸去蘆洗焙各等

分

右為籠木看疽大小用藥如疽大加料用

右先將獷猪前蹄兩隻一斤只川白小三

升煮軟將汁分為兩次澄去面上油花并

下面滓肉每次用藥籠末壹兩投於汁中

再用文武火煎十數沸去滓以故帛蘸藥

湯溫溫徐徐薄指瘡上死肉惡血隨洗而

下淨洗訖以故帛搥乾仍避風忌人口氣

吹之有胡臭人并月經見行婦人猫犬並

不許入病人房洗瘡切勿以手觸着洗疽

之方所傳三四十隻用之止此壹方極神

效所用露蜂房最有理謂其以毒驅毒也

朱氏集驗方同經驗良方此

洗藥猪蹄湯

藁本去苗川當歸去蘆杜獨活去蘆茵草朱氏集驗方用

黃連去鬚薔薇根 狼牙草 甘草 大

黃芩芍藥各二兩

右為麤末先用獐猪前蹄一隻煮取濃汁

澄去滓肉與上面油花每用藥末半兩蹄

汁壹盃葱白壹根漢椒二十餘粒同煎三

五沸去滓通手洗

已上二方治癰疽破後先用洗淨軟帛

挹乾貼膏藥去敗肉生新肉

洗藥神硝散

蛇床子二兩為麤末朴硝壹兩研

右二味和勻每用三錢重水壹盃煎三五

沸去滓通手洗糝後末合瘡口朱氏集驗方同

聖効散

黃柏壹兩去麤皮細切炒至赤黑色○澹寮方焙乾川山甲一兩沙炒

令黃 檳榔 木香各半兩炒雞肫脰七枚生用

右為細末每用少許候大膿出盡方可乾

糝瘡上 並伍氏方附子此

醫方類聚卷之一百七十四  
 此書論述... 凡... 醫... 方... 類... 聚... 卷... 之... 一... 百... 七... 十... 四...

醫方類聚卷之一百七十四  
 此書論述... 凡... 醫... 方... 類... 聚... 卷... 之... 一... 百... 七... 十... 四...

